

T 3200/1772.84
3632.84

歷陽典錄

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY
SEP 2 1947

3

歷陽典錄卷七

歷陽陳延桂子犀纂輯

塔佛大學漢和
圖書館珍藏印

古蹟一

亞父城 卽今州城也范增輔項羽滅秦封歷陽侯
是爲歷陽著見之始劉禹錫廳壁記云城高而堅
亞父所營舊有子城南城新城宋乾道中修之合
爲一周迴十一里十一門明洪武中重修爲門五
後又於東南增一門

明金

失名

修和州城記略和自秦漢爲歷陽縣晉

改爲歷陽郡後齊始置州隋唐間以郡稱則曰歷

陽以州稱則曰和迄今因之自啓立國江表者必以淮南爲藩維而和於淮南爲要衝西控合肥北接滁濠東南瞰大江直於姑孰建業之郊隱然保障乎江表東晉以還皆鎮以重兵守以信將視爲南國之襟喉而州城興替莫詳焉宋之南渡也乾道庚寅經營邊圉首出公帑廩粟以重築之逮淳熙丙申歷七年乃成開禧丙寅金兵至時守臣能以數千卒卻其數十萬之眾者非城之力歟厥後干戈寢息承平滋久城久不治有年於茲洪惟天朝撫定兩淮和最先入版圖而八九年間其城未

克修築癸卯春特命叅軍部景祥來治其事乃俾知州張純誠令民若軍計田出夫城周圍十一里爲尺計者一萬八千有奇而田夫之數適與城相當先是州有子城前有南城後有新城城雖廢甃甃固存也至是三城爲一悉用故甃包甃城外而實土其中其高二丈二尺上爲女牆又高五尺其厚則視地形以爲豐殺堅緻弘廣視舊有加故有十一門今爲門者五東曰朝陽正南曰環江正西曰臨湖偏西曰橫山北曰湧泉而東西爲水門者二凡門上構飛觀翬簷聳環繞雄嚴竝稱庀工於二

月丙戌訖事於四月巳卯僅九旬而功告成越明年夏六月辛未復命公總制是州軍民遂增建露屋繚於城上者凡一百餘所及城中儒學祠廟臺門衢路一撤而新百廢具舉和爲州四野平曠而州治據岡阜之上後崇前夷雉堞雲聯樓櫓山立望之隆然如在天半可爲壯淮南之藩維重江表之保障者矣

和州志

明楊遵和州城濠記江淮重鎮和居其一自嬴秦分諸侯之國以置郡縣地爲歷陽其來尙矣國朝開拓疆宇南下江漢初濟師於和今國家之有和

猶漢室之有豐沛也癸卯春上命叅軍郃景祥來是邦相度經營因故基而城之城東南舊有池唯加疏濬餘芟地壤據岡依隴後起前伏訪來遺跡僅存二壩蓋嘗取勢瀦水映帶東南以固城之險也比謀疏佗議者難之城旣完時久不雨景祥懼軍民勞瘁而力不支也遂順人意輟工以俟有爲越明年夏六月辛未景祥復來總制於州輯軍撫民興廢舉墜未幾政通人和歲稔農隙景祥亟命前知州張純誠議濬治純誠承命唯謹遂辨地相宜測以度竿浮以木齒殺隆就下可與城南舊池

通乃計田賦科丁庸凡以糧每石出夫一歷陽縣
三千二百九十七人烏江縣二千三百七十四人
含山縣一千一十四人丁庸三百五十人俾其役
者較功均受自城東西北三面延袤得地以尺計
之五千六百有奇池廣一百五十尺深二十尺擇
日之良以興厥功令下鄉鄙人皆忻躍相告謂景
祥向能恤我困餒而罷是役今其時也奚敢後哉
卽荷畚鍤裹餼糧子來於郊指顧之間事濟功集
始事於十一月二十一日卒事於次月二十二日
於是迴岡旁轉澎池北流道川四面湛然中渟來

如襟帶拱若圍壁崇墉內峙浮梁外通此可謂固
江淮之重鎮逾漢室之豐沛者也州人咸曰晉乾
道嘉定間都統制部剛宿將部杲經制於此止鑿
池城南豈非土壤險阻難於工力而不佗歟今景
祥以智仁之資折衝禦侮奠正方域卒能因時以
佚道使民而大姓適相脗合繼成前人未佗之功
其勤國保民之道豈偶然哉不可無記以示後來
且磨磷琬 詳著本始春秌不朽之意也景祥間
之而謙讓弗居迺俾與其事者咸列姓名以勗其
勤景祥字仲德濠梁人張純誠字允成臨海人其

牧是州也有遺愛焉故民樂於役而景從景祥屬文於予予辭不獲遂書於石明文

遏胡城 州西北三十里

宋賀鑪遏胡城

原注西北三十里晉時石虎南侵王導築此遏之

狂胡營

憑陵闊步長淮外難

原注去聲

此百雉城萬甲屯要害

時平一登望江山互襟帶想像文獻公清風宛如

在慶湖集

卻月城

在梁山宋王元謨築以禦臧質唐初輔公

祐反築城於此延袤十餘里夾名卻月城

梁王城

在梁山梁侯安都周鐵虎築

石跋城

在石跋河宋開禧中州守周虎築

大峴城

州西三十里大峴山上六朝時築

小峴城

州西三十五里小峴山上夾六朝時築

黃龍城

在烏江勢如伏龍不知何代所築見易志

晉王城

含山西九十里姚襄歸晉嘗屯歷陽以燕

秦方強未有北伐志乃夾淮廣興屯田訓厲將士

襄弟萇築城於此為守禦屯田計

清谿城

李鶴城

韓縱山城

王武子城

虎山城

郃僧坎城

趙祖悅城

高江產城

胡景略城

張祖禧城

鄭衛尉城 以上皆見水經注並記

陳搏丹城 含山西南蒼山又名無風城

夾山關 州北五十里正德中州同知薛祖學築以

禦劉六之亂薛字渭野故夾名渭野關按明程篁
墩敏政夾渡兩關記所云去香淋三十餘里者以
道里方位計之蓋卽此關云昭關者誤也其形勢
之險惡詳記中

明程敏政夾度兩關記予謁告南歸以成化戊戌
冬十月十六日過大鎗嶺抵大柳樹驛時日過午
矣不欲行已問驛吏吏給言雖晚尙可及滁州也
馬上行三十里稍稍聞從者言前有清流關頗險
惡多虎心識之抵關已昏黑退無所止卽遣人驅
山下郵卒挾銅釘束燎以行山口兩峯夾峙高數

百尋仰視不極石棧嘔岑悉下馬累肩而上仍相約有警卽前後呼譟爲應適有大星光煜煜自東西流寒風暴起束燎漸滅四山草木蕭颯有聲由是人人自危相呼譟不已銅釭鬩發山谷響動行六七里及山頂忽見月出如爛銀盤照耀無際始舉手相慶然下山猶心悸不能定者久之余默記此關乃趙點檢破南唐擒其二將處茲遊雖險而奇絕當爲平生冠爽二鼓抵滁陽十七日午過全椒趨和州自牽脫險卽夷無復置慮行四十里渡後河見面山隱隱問從者云當陟此乃至和州香

淋院已而日冉冉過峯後馬入山背巒岫迴合桑田秩秩凡數邨儼若武陵仇池方以爲喜旣暮入益溪山益多草木塞道杳不知其所窮始大駭汗過野廟遇老叟問此何山曰古昭關也太香淋尙三十餘里宜急行前山有火起者乃烈原以驅虎也時銅釭束燎皆不及備傍山涉澗怪石如林馬爲之碎易眾以爲伏虎卻顧反走顛仆枕藉呼聲甚微雖強之大譟不能也良久乃起循嶺以行諦視崖壑澗不可測澗水潺潺與風疾徐仰見星斗滿天自分恐不可免且念伍員嘗厄於此間豈

惡地固應爾耶盡二鼓抵香淋燈下恍然自失如
更生者噫予以離親之久諸所弗計冒險爽行度
二關犯虎穴雖瀕危而倖免焉其夾可謂不審也

已謹志之以為後戒

集 皇墩

明戴重夾山關危石蹲虎豹溪谿隱榛柞賊來不

敢驅北門有鎖鑰

集 河郵

本朝楊繼芳夾山關常道出門好逢山眼倍青峯

多紅日障路曲白雲停倦鳥歸溪樹流泉入草亭

野人眠正穩遊子為誰醒

編 頤中

石湖關 州西北宋紹興間兀术犯境張浚以兵五

千守之兀术遁

白塢關 州西四十里

陡陽關 州西三十里夾名斗峴

昭關 含山北十五里小峴山之西當濠廬往來之

衝山徑崎嶇荒穢塞道溪林密箐中時見虎蹤子

胥奔吳過此上有伍相祠今鎮江夾有昭關其地

無山川之險與當時情事不合顧棟高春焮大事

表云昭關在今和州含山

明楊于庭昭關伍相祠記太華氏曰余游句吳抵

錢塘江上蓋往往有伍子胥祠云子胥忠於吳以

讒歿吳人憐而祠之固當乃吳楚之交夾有祠子胥者何居其謂胥賢乎斯民也三代之所以直道而行也含山縣北十五里許爲昭關最扼塞子胥入吳過此和州守部君始創爲樓貌胥像歲久圯壞含山尹龍君始至拜祠下喟然歎自捐俸庀材鳩工鼎新之不賦一錢不役一力而枚枚翼翼稱壯觀矣士人歲時伏臘疾疫水旱虔潔祈禱每致靈應焉或謂胥之鞭荆王尸過也然不云日暮途遠倒行而逆施之耶記曰父不受誅子復讐可也又謂胥事昏主諫而不聽盍公賈長沙所謂歷九

州而相其君兮何必懷此都也然胥先王舊臣無可公之義執是譏胥爲不智則左徒之沈湘非也余又嘉夫江上一渙父能不愛粟五萬石爵執珪而間關渡子胥以免此與濮陽周氏魯朱家脫季布無異且夫僕婢感憤自裁計盡無復之耳賢者誠愛其歿故甯乞食髡鉗而度幾一用其智且胥不瀕歿烏能報萬乘之君佐其主霸天下罄施後世乎自有昭關經歷者何限獨胥得祠太史公所謂惟俶儻非常之士稱焉是已龍尹旣祠胥謂不可無一言紀其事而太學生張應輔庠生羅良弼

肅幣乞言於余余往讀子胥傳而悲之故既表其
 大者復系迎神送神之曲令雩而歌之以詔來世
 郎守名繼芳四川隆昌人龍尹名爲光山東滕縣
 人尹涖含有惠政士民別有紀述謳歌尹不具論
 論其祠子胥事如此也其詞曰澤有芷兮山有椒
 叩天門兮九霄仁笑人兮風蕭蕭乘白馬兮騰江
 潮酬之兮酒餽返之兮鼓饒羌不來兮鬱陶右迎神
 陰風發兮颼颼導赤螭兮兩旗靈之來兮佳人與
 期鼓與饒兮脰馳酒與餽兮淋漓儂色笑兮委蛇
 儼醉飽兮頽頽右降神楚巫歌兮楚舞渺佳人兮風

雨靈之游兮栩栩恨鴟夷兮千古氣爲虹兮江濤
 怒神不畱兮我土載蒸嘗兮綏萬戶右送神
 唐釋常雅伍員廟蒼蒼古廟映林巒鼎煙霞覆
 后壇精魄不知何處在威風猶入浙江寒全唐詩
 明杜濬過昭關題壁昭關傳此地楚客復經行廟
 貌丹青薄風煙禾黍平欽崇因國士瞻顧帶鄉情
 頭白今秋極眞慙見者驚變雅
 明孫枝蔚昭關枉說昭關是楚關行人誰復動慙
 顏五更月落雞聲遠一片雲飛鴈影閒未報恩仇
 長在路空存廬墓待歸山吹簫乞食奇男子羞殺

書生兩鬢斑

慨堂集

明屈大均和友人度昭關之仝端居苦離索恩君
蕪湖間忽聞昭關詠感激淚潺湲丈夫不得志飢
寒行中原斷髮投鑪中為君鑄龍泉器成不見御
雌雄各沈淵登高望四野亭障何連連驚風折旗
幟落日迷山川誰知遠游子嗚咽不能言維咎吳
子胥吹箎誠足憐一怒覆強楚父讐不戴天解牛
宜薄刃驅馬當長鞭苟能勤耘耔何必來膏田亮
懷鷹隼羽時至自飛鷺勉爾慷慨人遙遙託贈篇

翁山集

東關

在濡須鴨兩岸皆有城在北岸者為東關其
西關在南岸屬無為州

宋阮美成東關筇竹杖鞵上短篷半篙春水飽帆
風兩關三寺山無數藏在濛濛煙雨中 細雨斜

風入亂山溼雲堆裏見東關一筇來訪林間寺杜

宇數聲春又殘

和州志

宋龔相東關南北安危限兩關迅流一水幾時還

淒涼千古干戈地春水方生鷗自閑

和州志

本朝李孚青偃月城雉堞何年築辛勤此用兵至

今濡鴨水猶佗夾城聲

野香亭集

含山關 含山東十五里背山臨湖險要可控

明戴重含山關三旬全苦雨四野若無春早草先知歲寒狐不避人山擎枯菑蒼關臥壞麒麟市僧

何曾識持尊問酒鄰

河邨集

桃花鴨 州大西門外唐張司業別墅司業嘗與孟東野載酒游此今蕩爲寒煙矣

本朝王善櫛遊桃花鴨記含山東屬於和和之桃花鴨爲張文昌讀書處太含山不兩舍然未獲至癸丑夏友人邀往遊焉出城西百步曰米積巷又百餘步有壑窅然曰蓮花池升壑則含山諸峯森

秀在日近矚里許紆餘蒼翠友人曰是桃花鴨也入則岡巒蜿蜒回互若層障雖近鄙自爲奧區雜木外環中有桃數百株實已垂垂河流繞鴨有橋亘河上以近鴨曰桃花橋宋賀鑄鴨詩自注所云麻谿上者是也但賀稱茂林修竹之勝今無竹耳因憩桃下有白頭田父杖而至言文昌與孟東野載酒遊鴨事甚津津又言文昌七世孫安國夾讀書此鴨以杖指道旁臥碑實之安國狀元也尤豔稱焉其他所說雖無據然皆曰聞諸前人夫足見流風云立而四望業業北峙者歷陽山也石山冲

霄日雞籠夾北峙牛渚在南橫江在東帆影渺然
因歌文昌曉來江氣連城白之句悠然者久之石壁

唐方干書桃花鴨周處士壁醉吟雪月息淡苦息

苦神勞華髮生自學古賢修靜節惟應野鶴識高

情細泉出石飛難盡孤燭和雲溼不暝何事嬾於

嵇叔夜更無書札全唐詩

宋賀鑄桃花鴨原注縣西二里麻溪上按縣譜張

遊焉今茂林淡竹種樹臨谿流開亭望城部當年

孟張輩載酒來行樂斯人久埃滅節物今猶昨看

取不言花春風自相約慶湖集

明文徵明經桃花鴨夕陽下馬桃花鴨不見桃花

鴨夾榛谿壑春風空舊夢柴扉流水或秦人圖經

可按桑田異詩客多情燕麥新不用苦辛仍買種

梁園金谷總成塵甫田集

本朝鍾彝桃花橋夾宿舟認垂楊岸邨通白水田

高情成野客放眼極殊天水靜魚跳月隄荒犬吠

煙今宵風露下有句與誰傳含山志

本朝沈詰桃花鴨懷古集文昌句高情自與俗人

疎每見青山憶舊居今日春風花滿宅可能同伴

舊遊無 空來林下看行跡宅在街西最靜坊花

裏可憐池上景如今獨有讀書堂和州志

本朝姚汝頌桃花隴故址勝蹟餘煙草萋萋一徑

斜簪時司業墅今日野人家蕭寺一聲磬夕陽千

樹花石橋來往路猶繫柳陰槎渙邱草堂稿

苦竹邨 州西二十里舊有海棠洞有罩春亭今

花樹無存亭亦傾圮久矣

宋賀鑄苦竹邨南馬上楚澤薰風後林泉夕照間

渙船沿綠岸鳥道轉荒山久負杯中樂長偷馬上

閒悠悠白門路何日杖藜還慶湖集

宋王瑜海棠洞千株相對復相重裊娜繁枝夾路

紅疑是當年錦步障至今畱得罩春風和州志

宋王之道苦竹寺海棠洞翠裏朱唇一笑開倚風

無力競相隈陽城豈是僧家物端恐齊奴步障來

相山集

宋徐申闕詩淡春苦竹寺細雨海棠花歷陽遺音

元李孝先苦竹邨籃輿軋軋路高低苦竹邨南古

峴西草舍爨茅畱客飯麥田焚棘斷人蹊花梢春

意關禽語石磴霜痕印虎蹠心自愛閒身尙役好

山何處是真棲五峯集

冶矛巷 州小西門外里許一名造金廠爲前代鑄兵之所

刺槍坑 在陰陵山一名霸王泉石壁削立有泉橫出口大如碗下注一塘方廣丈許大旱不竭志云項羽刺槍於此以杖撥之深不可測

沸井 太平寰宇記在郡西百步古城內蓋卽土街關廟內井也劉夢得詩沸井今無湧是唐時已湮沒而秦少游以湯泉實之賀鑄又謂爲和州之香淋湯攷晉書郗璞傳云西南郡縣以陽名者井當沸未幾歷陽井沸經日乃止曰當沸則其前不沸

可知曰經日乃止則其後不沸可知湯泉固常沸者非晉書所稱明矣

華陽門井 州治西街管有童子從井中出人問之曰我華陽洞中人此井洞後門也遂立表曰華陽門今井在表圯

箭墩 州北部田中長丈餘中有常開平落箭耕人歲覆土其上犯之能致疾

斗米逕 含山南八十里太平寰宇記歷陽豪李子建當隋末從杜伏威守城伏威分兵戍柵口欲開路運糧以救軍會子建請於東關下開溝通黃洛

陂入歷湖率部下人各齎米一斗就工米盡逕成
饋運無缺故謂之斗米逕云

鎮淮樓

州聖廟前累土為基其高百尺上構飛樓

旁為小軒帶以曲廊東西皆有廣庭雜植花木憑
闌而眺長江東瀉眾山西峙城中萬瓦鱗次炊煙
成雲宛坐畫圖間明太祖駐師和陽時嘗與諸將
飲酒賦詩其上樓之名不知所始地踞江干公淮
水尚數百里鎮淮之說於義無取竊謂樓上有江
天一柱額即名江天一柱樓似無可議

明高皇帝鎮淮樓中原殺氣未曾收江北淮南草

木烁我上鎮淮樓一望滿天明月大江流

御製集

明黃桓鎮淮樓登高神自爽極目鴈斜飛水色連

天白嵐光映日輝雲中輕舸下部外野樵歸不憚

支頤坐風寒酒力微

聖廟石刻

本朝鄧廷羅鎮淮樓和壁閒韻乾坤容得許多愁

清嘯何人獨倚樓牛渚稽天終日去蕪磯插地隔

江收登高弔古息前輩覽勝憂時砥末流喜滌塵

襟容退會清風一任路悠悠

和州志

本朝成性登鎮淮樓我自登高我自醉烁來懷抱

有誰同江山聲氣由來好雲樹逢迎此日工履道

輞川貧絕望吹臺曲水遠難通書空字字消杯酒
且問楓林幾處紅道中集

本朝黃裳新爍登鎮淮樓鼎沸笙歌佐勝遊良宵
何必是中爍茶鐺不負盧仝約木葉翻嗤宋玉慙
百里帆檣明極浦三更星月照高樓狂吟未怕驚
塵夢已有棲鴉過石頭和州志

鎮西樓 卽州署大門蓋以晉謝尚嘗爲歷陽守故
名之也規制亞於鎮淮飛簷架空俯瞰闐闐崇墉
言言仰若雉堞足壯觀覽州志謂建於洪武初然
于湖詞已有鎮西樓上酒父老爲公壽之句是宋

時已有之不始於明矣今名永清樓順治中知州
李如蘭所改

本朝楊繼芳元夜鎮西樓江城夜氣鬱龍蔥星動
高樓列炬紅百里正當雲檝後千家共在月明中
火龍怒激天門電羯鼓聲傳大國風莫使金吾催
玉漏春光畱得與人同頤中編

本朝劉彥初王憲章郡丞招飲鎮西樓樓頭春色
好明月許重看共醉王喬酒仍彈貢禹冠花燈喧
爽鼓火樹破春寒漫說銀荷燼華筵興未闌和州志

洗心亭 在州北香泉浴院其旁屋三楹日進禳亭

宋張邵洗心亭洗身兼洗心忽憶盤銘警反照虛
靈中冷然發淡省

張才彥集

明張壽朋洗心亭晚迫官程尚未暝停驂便憩洗

心亭池痕玉映參差碧石氣煙浮渾沌青暖入桃

花消宿雨春低柳影拂疎星揆幽夏喜連僧舍半

爽蒲團一卷經

淡息窩集

昭明亭 在香泉覆釜山上

明胡松昭明亭漫興二首過雨山亭爽憑高四望

賒片雲低度影新水慢浮沙地僻黃塵斷天高白

鴈斜翛然此間坐懷往一長嗟 弔古獨躊躕蕭

梁有舊廬遺文猶日月宗社已邱墟滾滾泉長在

茫茫世迭除坐語消息理益使幻情祛

胡莊肅集

陋室 在州治內唐和州刺史劉禹錫建有銘柳公

權書碑今廢柳碑夾無存攷定州志夾有陋室定

州夢得故里然銘中案牘勞形云云當非家居人

語或定人附會為之耳

唐劉禹錫陋室銘山不在高有僊則名水不在淡

有龍則靈斯是陋室惟吾德馨苔痕上階綠草色

入簾青談笑有鴻儒往來無白丁可以調絃琴閱

金經無絲竹之亂耳無案牘之勞形南陽諸葛廬

西蜀子雲亭孔子云何陋之有

中山集

犀照亭

州東十里當利口北岸晉溫嶠然犀處也

亭不知所始賀鑄詩犀照亭邊兩鱗催是北宋時

已有之矣

惠政堂

宋胡昉知和州時孝宗居青宮悉其賢大

書惠政堂三字賜中

仁樂堂

在州署宋建今廢

虛樂亭

在烏江廣聖寺

宋秦觀題閣求仁虛樂亭三首禪房幽構徑彎環

噪鶴鳴鳩盡日間隱几冥濛超物表畫圖髣髴見

林間寒簾雲吐池中月岸幘天橫竹外山秌興已

闌成麗句板輿時此慰慈顏 長官平谷嗜林邱

僧與開亭待勝遊修竹迴環扶碧瓦小池方折轉

清流春淡鷓鴣催詩句爽靜蟾蜍入酒舟只恐政

成畱不得縣人空此憶常游 誰構新亭近翠微

似教陶令狎天機池光引月來簷廡竹影疏風到

客衣愛酒有時攜玉罌無絃聊自拂金徽人間此

樂應無幾尙向良辰與物違

淮海集

宋賀鑄烏江廣聖寺虛樂亭避雨孤篷泊柳陰潮

回溪曲稻花淡有時白鷺窺魚下竟日青蠹伴我

吟酒敵無人情落寞雲鄉何處老侵尋誅茅擬卜
終焉計不為清風暫解襟 慶湖集

梯松樓

半月池

狎鷗亭

萬花谷 以上俱在陋室遺址見明黃鞏舞鶴軒記

舞鶴軒 在陋室故址明同知薛祖學築南京太僕

卿黃鞏有記

明黃鞏舞鶴軒記渭南薛子往自武選郎出同知

和州既至以員外置無署居因闢書院治事而名

其退會之所曰舞鶴軒自為之賦不鄙貽書南都

屬子記之子聞鶴之生也七年飛薄雲漢後七年

學舞後七年應節後七年晝夜十二鳴中律異凡

鳥矣薛子之取之也其殆有所託歟詩言鶴鳴于

九皋聲聞于天易言鳴鶴在陰其子和之古聖人

所稱凡以取其鳴也而不言其舞薛子胡為乎不

此之取而彼之是託耶薛子蚤傳家學登進士高

第以文章鳴出宰內江以政事鳴入主武選論權

費人言及天下大事以正直風節鳴茲謫和州方

且收馨結舌顧影裴衷有足憐者然鶴之舞也天

機自動而非以取妍於人也。薛子既以抗直不容於時，而與是鶴同放於野。鶴且不向苟焉以取妍於人，而薛子亦豈肯阿時取容以求悅於人也哉？管者放臣，逐客甯為昂昂九霄之鶴，而不為汎汎水中之鳧。夫薛子意豈異耶？傳稱聖人在上，鶴與鳳皇同翔於甸，以薛子之賢行當羽儀天朝，以鳴至治而顧使之卑棲枳棘，毛羽摧頽，不亦失鶴之用也哉？然是鶴也，方與薛子相忘，而薛子之心亦方與是鶴同一自得。夫豈恆人之所能窺者哉？或謂古有薛公好鶴，薛子之取之也，亦猶夫薛公也。

予蓋不然其說。云書院故劉禹錫陋室遺址，有梯松樓、半月池、狎鷗亭、萬花谷諸勝，以其非始於薛子也，故不著著。舞鶴軒記記自薛子始，使和州人

世傳焉。後峯集

水心亭 在州城東三老堂。張文昌詩：看花多上水心亭。即此今州署中，亦有水心亭，非其故址也。

衣錦亭

凌雲亭

雲蔭亭 以上皆見易志。各引宋太守劉忠肅摯詩二句：衣錦亭云陰陰佳木與雲齊，襟裏迎風弄晚

暉凌雲亭云軒宇憑虛出半天忽驚身寄碧雲端
雲蔭亭云上古無年歲新亭託舊樓全篇皆亾

西山閣 久廢大見易志

瞻展亭

虛山亭

臨流亭

迎薰亭

筠崖亭 見明南京光祿署正黃桓詩石皆無攷

三覺堂 在梁山廣教院宋王之道記云三覺者秀

谿居士賈易括蒼先生龔原及圓智禪師冲會也

賈與龔以危言正論忤蔡京謫居和州與冲蕭然

晏坐終日

喜雨亭 含山北十八里華陽山中

宋陳仲弼華陽山喜雨亭記天人之際至邇也吾

誠不至人猶不孚况幽於物者乎迺者浙江淮壩

夏以早告上勤宵旰詔敕屢下郡國祇若和爲郡

面江背滁左導巢湖右引瓦梁又有瀰灋二湖之

浸田號沃壤河渠溝洫歲久不治故失時不雨民

且狼顧太守王大過開藩未幾首浚城南之河上

引湖水下接江潮環城數十里間賴以灌溉獨西

北地連山阜種不入土大過朝祠夕禱自夏徂秋
不少怠嘗得太乙醮式齋滌行之方於郡齋檐楹
間手書青詞微雨飛灑粵明日朝修午罷龍見於
城東南隅霽雨大佗撤祠之夕夜漏未終大過單
車徑造襄山乞靈定大師塢下卽華陽洞親投符
券少焉有巨虺出於殿屋一白雀與虺相逐裘衷
去來萬日爭指略無驚猜眾歎希有訖事出山陰
雲四簇甘澤隨注竟日繼夕向之赤地始遂栽插
歡呼之聲徧於田閭恠僧慧機築亭洞前大過命
名曰喜雨仲吳適以視田道出山下會暮假宿凌

晨拉機曳杖捫蘿周揆巖穴退而酌泉煮茗於亭
環山老農且能道大過前日禱雨之異龐翁舉手
言之猶有喜色機復求記其事仲吳以附庸下邑
日奉寬條非但得大過惓惓斯民之心於符移戒
飭之間禱祠一事又每陪侍昕夕備見精誠不倦
而雀蛇之異復親聞父老所言甚悉然則傳信紀
實豈容以荒落自解咎春恠書四月不雨者閔雨
也六月雨者喜雨也二者皆有志於民而書之是
亭也豈特識一時之喜哉後來者或從事於此而
有攷焉啟其誠信其事大過之名與茲山終始矣

大過字季立世為山西人時嘉泰元年孟春望日
記和州志

壽蕪堂 宋彭明微衛策取壽老蕪安之義以奉其
母晉甯郡太君時范忠宣謫守和州以詩美之衛
忽永子

宋范純仁壽蕪堂

原注歷陽彭明微棄官養母策
堂名曰壽蕪取壽老蕪安之義

得古人養志之道 養親不擇祿咎有仕為貧惟有席

先疇足以供晨昏超然舍祿仕一志親耕耘既靡
王事監太免賈用勤雞豚畜以時稻梁盈倉困處
身但清約甘旨極鮮珍堂上垂綵髮含飴弄兒孫

綵服不離膝終日常欣欣園中復構室花竹圍四

鄰窗戶嚴羅列開闔隨寒溫慈顏縱遊適日涉不

為頻雅當壽蕪名安康係靈椿門多長者車間可

延嘉賓講道資朋友德譽日以新孝感動金石豈

獨化鄉粉顯揚久益大盛世求忠臣

范忠宣集

本朝孫枝蔚彭孝子壽蕪堂壽蕪堂中彭孝子歸

田養母未蹉跎二疏尚恨都門老少尹空從某樹

過處處板輿迎紫竹朝朝綵服伴青蓑後來那少

聞風者但道無如王事何

慨堂集

芥隱菴 宋龔頤正書室

宋張孝祥龔養正芥隱銘一雞之爭覆我龜蒙或
俛而拾以華厥躬是子龔子矯矯六尺斂而藏之
寄此一粒龍伯觸氏訕大訕小我銘此菴不滿一

笑于湖集

橘隱菴 夫頤正書室與上芥隱菴俱失所在

宋張孝祥橘隱銘采芝之僊藏於橘中江頭木奴

比千戶封彼君子兮從吾所好霜落橘顛持杯一

笑于湖集

勤將軍宅 將軍名恩齊見太白集宅在州西雞籠

山中

勤尊師山居 師橫南將軍恩齊之孫其居失所在

以許丁卯詩攷之當夫在雞籠山中也

唐許渾題勤尊師歷陽山居原注師即將軍恩齊之孫頃為故相國蕭

公錄用相國致政尊師夫自邊將入道因贈是詩二十知兵在羽林中年

潛識子房心蒼鷹出塞邊塵靜白鶴還鄉楚水淡

春坼酒餅浮藥氣晚攜棋局帶松陰雞籠山上雲

多處自斲黃精不可尋丁卯集

張籍宅 在桃花鵑按賀鑄百福寺詩注謂唐張司

業故居當別一處而吳龍翰籍故居詩及明一統

志皆謂在報恩光孝禪寺攷宋趙昇朝野類要云

高宗中興令諸州軍各建報恩光孝寺觀追崇佑
陵香火或百福寺入南渡後改為報恩一統志遂
沿其舊名而載之百吳詩今附錄於後

唐韓愈題張十八所居君居泥溝上溝濁萍青青
蛙謹橋未埽蟬嘒門常扃名秩後千品詩文齊六

經端來問奇字為我講聲形

昌黎集

唐張籍野居貧賤易為適荒郊有安居端坐無餘
息彌樂古人書秋田多良苗野水多遊魚我無未
與網安得充廩廚寒天白日短檐下煖賤軀四肢
漸寬柔中腸鬱不舒多病減志氣為客足憂虞况

復時節晚覽景獨踟躕

張司業集

張籍閑居東城南陌塵紫幘與朱輪盡說無多事
能閑有幾人惟教推甲子不信守庚申誰見衡門

裏終朝自在貧

張司業集

張籍夏日閑居多病逢迎少閑居又一年藥看辰
日合茶過卯時煎草長晴來地蟲飛晚後天此時

幽步遠不覺到山邊

張司業集

張籍晚秋閑居獨坐高秋晚蕭條是遠思家貧長
畏客身老轉憐兒萬種盡閒事一生能幾時從來

疎嬾性應祇有僧知

張司業集

宋吳龍翰過和州報恩寺唐張籍故居也晉年此地著書人詩骨成塵草木淡突兀眼前僧結屋墻

鈴風裏替君吟 古梅吟稿

文昌讀書堂 在烏江東一里今祇知桃花鴨為文

昌讀書處辨有能及此者

宋張孝祥讀書堂在烏江即唐文昌公讀書處自

五代至今皆世守之渡江後為史氏之所有漫有

五車書不讀豈似一編勤過日癡兒懶事蠹魚書

巨富牙籤塵滿屋市南水竹一畝宮平生腹笥叟

長公閉戶卻埽得真樂冥搜萬古窺鴻濛淹留歲

時夫何有策勳此事要持久吾家文昌讀書處好

在谿山落君手上方治定登文儒東觀石渠森寶

書望君起直承明廬從來海內知名士須讀人間

未見書 于湖集

杜師雄宅 州西南二十里豐山中杜氏世聚族於

此有師雄手植梅歷七百餘年榦大數圍半枯外

而孫枝尚佻花芬馥可愛朱學士筠校士至和州

摩娑其下屬州守劉公長城築亭顏曰梅豪

本朝朱筠豐山梅豪亭記乾隆癸巳中春筠試和

士畢聞州西豐山有宋時梅乃與知州事同年慈

利鑿碧巖戒謀往觀之以二十二日爲天門之遊
明日出山十五里至欒巴祠二十五里至豐山之
麓上山三里至杜邨邨之左右曰攷子塘皆杜姓
自宋至今或他徙其處者尙數百人杜氏爲州學
生者五六人來迎余比至梅下則樹本凡六其四
已枯枯者如銅如石如繆蛇之外而骨偃彊不解
也其不枯者二本本大五六圍徑上三丈餘花覆
小山與枯木交錯枯者夾榮其花之種曰玉蝶又
如蛟蜚數萬翔舞山石之左右而不久久之忘其
爲梅樹也問之杜氏之祖杜先生默實居此先生

遺詩邨中頗有存者其詩曰手植名花浪得名又
云不是羅浮是攷塘然則梅先生所手植也按石
先生介集載三豪詩送杜默歸歷陽樂叟太平寰
宇記歷陽縣屬和州然則先生實和人而厲鸚宋
詩紀事以爲濮州人非也先生字師雄宋叟無傳
今州志亦不爲立傳謹以石先生介歐陽先生修
贈先生歸歷陽二詩攷之二詩之佗當在仁宗康
定元年庚辰石先生詩敍本朝八十年按太祖以
建隆元年代周至康定庚辰八十一年矣歐陽先
生年譜是時范文正公起爲陝西經略招討安撫

使辟公掌書記辭不就六月自權武成軍節度判官召還復充祕閣校勘故歐陽先生贈詩云杜子來訪我又云河北新點兵也按石先生次以是時服除召入國子監直講墓誌先生直講歲餘薦拜太子中允是慶歷元年辛巳也又薦直集賢院三年癸未化慶歷聖德詩歲餘去太學通判濮州五年乙酉七月卒矣然則康定庚辰正石先生入太學歲也蓋先此一年則石先生或未直講太學而歐陽先生竝未入京邑故不得曰已葬而斷之曰庚辰也歐陽先生詩云來時上師堂再拜辭先生

石先生序云師雄學於余辭歸歷陽詩云師雄二十二然則康定庚辰杜先生二十有二也是年二十有二則先生之生當在真宗天禧三年己未杜氏家譜先生生於明道元年按明道元年壬申至庚辰僅九歲譜說非也譜又云年六十三卒先生當卒於神宗元豐四年辛酉宋詩紀事先生熙甯末特奏名仕新淦尉按熙甯之末改元元豐先生卒於元豐四年是先生爲尉越四五年而卒也按石先生卒於慶歷五年乙酉年四十有一佗敘及詩之年實三十有六歐陽先生卒於熙甯五年壬

子年六十有六是年實三十有四宋史石先生傳
介卒夏竦言介詐死請發棺詔下提點刑獄呂居
簡曰介死必有親族門生會葬及棺斂之人苟召
問無異卽令具軍令狀保之夫足應詔於是眾數
百保介已死乃免斲棺是時杜先生必具軍令狀
之一人也沒後二十一年其家將葬石先生子師
訥與門人杜默姜潛徐遁等走告請銘於歐陽先
生其年英宗之治平二年乙巳也歐陽先生五十
有九而杜先生四十有七其恩所以表章其師愈
久而未之敢忘所謂死生不相背負者可想見已

又按先生以康定庚辰還歷陽越六年慶歷乙酉
歐陽先生出知滁州在滁者二年滁與歷陽密邇
絕不聞先生過從蹤跡意是時方跋涉左右於其
師之殯餘訪歆久畱京東沈岱之間以是無過滁
之隙然則具軍令狀保師死者先生蓋身先焉而
名不聞至今七百年後又信可攷而知也筠旣攷
先生生卒始末略可見者如右於是從容與劉君
議曰梅花之間宜有亭杜氏之子孫僉進曰故有
亭圯已劉君毅然請復之且言曰先生詩不云乎
培根急取他山石又云淺築牆低防過酒長城當

於梅下列闕支石而築短垣以繚亭具如先生之
詩子其記而名諸筠曰石先生之詩曰曼卿豪於
詩永叔豪於詞師雄歌夾豪三人宜同稱所謂三
豪者也今三豪亾矣越七百餘年而杜先生手植
之梅巋然獨存梅夾豪矣哉筠與君兩人廊然於
七百年後來相議於空山之中其以梅豪名斯亭
宜君當速成之而刻筠之詞於石令攷塘杜氏之
子孫世世守焉時同遊梅下者上虞張鳳翔方海
及門歸安吳蘭庭胥石重繫之銘曰州西南豐宋
梅所封蕃杜之宗攷子塘杜浩隱侯侯曰默厥祖

默手植梅康定以來玉山皚皚屑葩酷襲本銅鐵
色閱年七百牆庫旣傾亭無不成劉侯載營稽亭
先後表亭左右梅汝永壽春風不驚香幽景明客
飲斯亭於石之鏤記余來遊試士和州

梅豪亭碑

宋杜默植梅半畝花陰半畝園寬通一角始周全
培根急取他山石設檻須添杖上錢淺築牆頭防
過酒大開竹逕爲畱賢不妨洒力兼詩息好具藤
牀待晝眠 手植名花浪得名名花於我是門生
幽香自足魁天下清白由來效逸民鐵榦四垂陰
射日瑤華萬點雪飛晴何當爛醉呼兄弟異姓梅

翁結杜陵 何必尋梅向遠方
阿家牆畔水之旁 日營月結香烽舉
雪塞冰團蝶陣忙 前日雨肥尤
可愛近因風瘦不曾傷
遊人爲指幽奇處 不是羅

浮是攷塘

詩豪集

明杜浩自嚴州歸里見梅作我本西園舊主人
流離數載失相親 石崖松際綠猶在
無數寒花待雨

春

南秀邨集

明戴本孝遊杜邨梅園贈德靈德馨昆仲十餘年
不到君家寶樹堂 前草色遮幽結
三間小茅屋香橫十丈古梅花
每慙俗客遊能數 偏是狂夫興不

賒卒得孤芳 同檝木斧斤曾不愛
槎枿

前生集

戴本孝楚芳家園看古梅限看字四首
峻嶒鐵骨

最宜寒任汝支離 天地寬百歲尙堪同
我瘦三春

容得外人看 吟風弄月誰知己
臥雪眠雲是所歡

且喜一年來 一度瑤靡原不費
盤餐 亭臺疎豁

稱盤桓洗盡鉛華 慰古歡不忝
愛同高士臥頻來

應化故人看 雲淡幾尺花初落
月到三更春大寒

只爲樂心難 話別屢將飛白寫
冰紈 爛漫春風

依舊寒穿籬 照水倚闌干
園林讓爾枝枝傲顏色

憑君歲歲看 香霧繞行三五里
明珠捧上百千盤

隴頭詩忽撩人意梁月紛紛覓寄難
花未開時約我看花開看直到花殘
虎頭四壁傳眞易驢背千山得句難
片片枝枝光的爍風風雨雨味辛酸
白頭相訂青春裏共臥同吟至歲寒

餘生集

馬仲文水軒 在州城西

宋林逋寄題歷陽馬仲文水軒占得幽居近鄙西
水軒風景獨難齊煙合晚樹人家遠雨溼春蒲蕩
子低紅燭酒醒多聚會粉牋詩敵幾招攜旅遊今
日堪搔首搖落山城困馬蹏

林和靖集

張于湖讀書處 州大西門外雲來社旁

宋張孝祥秋日郊居秋日郊扉樂心閒景趣閒風
生疎竹裏雨在片雲間疏濬聊通水關門不礙山
殘書讀未盡飛鳥暮雲還

于湖集

薛孝子宅 在天門山南陳橋洲事見人物

本朝姚汝頌薛氏兩孝子詩兄爲傭弟爲傭互出
門戶聽命主公是耕是穫或播或春 朝出傭暮
出傭日復一日傭多工主公給薪米歸來茅屋中
茅屋秋風晚稻香兄歌弟舞娛高堂 今年傭明
年傭霜催庭木折母病秋風中母衰病不起孝子
心肝摧不有母兮傭何爲 兄不傭弟不傭仰天

號泣呼蒼穹朝息暮哭皮骨立魂返黃泉隨母側
吁嗟乎孝子母墳血淚溼秋陰月暗燐火碧孝子
墳頭幽蘭芳天門頂上聞馨香

漢邱草堂稿

劉月川莊居 在含山月川名傳能詩善畫見人物

明金鑾再過劉月川莊居馬首西連返照還斷雲

將雨過昭關坐分花氣疑臨水行夢鶯聲戛入山

魚鳥已通前夜夢風塵盡改昔時顏野田舊路猶

能記十里蒼巖萬木間

徙倚軒稿

張不二宅 在縣銅城間鎮宅中一小樓先生授命

處也

守硯菴 州北五十里迢迢谷中河邨戴氏讀書處

中有碧落廬祀宋碧落道人竝祀河邨先生

掬水園 南門外與育嬰堂鄰乾隆丙午宋刺史恩

仁構有堂有亭有水軒有曲徑長廊清波淪漣垂

柳低蘸夏日綠荷萬柄翻風潑雨蟬聲與鳥鳴相

雜喧極而靜入之者無復人間世想壁上嵌摹刻

劉夢得張文昌二像落成日刺史歌咏其事一時

文士多屬和焉

蝶園 在南門內久廢

明紀映鍾遊和州蝶園蝶園荒徑草離離老樹霜

禽繞暮枝歸路蛾眉墩上望城東月出大如箕真冷

關園 鎮淮樓西南明馬侍郎諒築今廢

芙蓉園 城西北隅本朝成黃門性築池大十餘畝
尚存假山石為有力者取去餘俱圯

倦鳥亭 項參政錫胤書室王浚洋有題戴務旃畫
倦鳥亭圖詩

苦筍園 在成氏芙蓉園之北孟瞻亭先生恩誼讀
書處瞻亭乾隆壬戌進士直隸赤城知縣

逸園 南門外王氏築王名鑰乾隆癸未進士

半在園 含山城北隅唐泰初冠賢再適進賢兩先
生讀書處清池湛然雜樹交蔭小軒映水幽靜疎
豁極城市山林之樂泰初雍正丁未進士直隸任
縣知縣再適雍正癸丑翰林四川松茂道

歷陽典錄卷八

歷陽陳廷柱子犀纂輯

古蹟二

聖廟 州治東宋時在橫江門外乾明寺旁元末燬

於兵燹洪武初知州張純誠遷於郡治東南今岳

廟之東嘉靖時判官王朝用徙建百福寺萬歷間

部繼芳復遷故地而建翊運塢於其後高阜上崇

正乙亥流賊破城燬 國朝順治初知州盧汝鵬

以州同舊署益以廢衛之地鼎新之即今學是也

南有天衢雲路坊又南為鎮淮樓北枕後山奎星

樓文昌祠峙其左右爲州署壤地高敞規制宏麗而人文蔚興矣

元危縈和州學尊經閣記至正八年和州新佗尊經閣成儒學諸生屬臨川危縈爲之記按宋宗室善湘爲淮西安撫使命教授咸應昌始建是閣嘉定十三年也後百年爲我朝至治三年知州張克忠又十餘年爲至順三年州長伯不花教授朱玄皆更佗之會未二十年棟宇復壞於是高侯守祖來守是邦祇事伊始首謁先聖之廟乃命復加修治耆儒段某適攝學事侯俾之會計公帑具木與

石締構周完圖爲堅久已而親加督視晨夕必至甫三旬而功告訖重檐翬飛丹碧炳煥益增置書籍因其舊名曰尊經者使學者知學必有所本也皇上加惠斯文置攷課守令之法其一曰學校興舉侯能上體朝廷良法美意而務善治學宮且以此閣爲先務可謂勤矣其城邵子曰易爲生民之府書爲長民之府詩爲牧民之府春秋爲藏民之府以配夫天之春夏秋冬宜其非諸子百家所可比而同之也謂之尊者恭敬奉持夙夜匪懈詩曰無有師保如臨父母夫如是則來學於斯者甯不

知其所可尊者而尊之哉雖然豈徒尊之而已觀其文以味其言得其言以原其道庶幾無負侯之意焉爾

說學齋集

和州新建儒學記

和州新建儒學記和州學正鉛山張子乾澤偕王光謨撒鑪葉泓三生渡江來曰和州儒學舊在州治東南地形湫隘學宮偏側光岳之靈未結賢材之生惟艱邇年以來屢當大比士鮮登科惟茲百福寺在城中央高朗峻拔凡歷陽八公之麗雞籠龍鬪之祥陰陵鳳皇之邃皆抱聚於斯而梁峴桑梅又皆拱峙其前襟帶烏江長流以爲一

州之勝者也爾乃邪正倒置百年於茲往時黃提學沈知州辭同知皆嘗疊興慨歎莫能遷改茲者隴西王君朝用以監察御史謫判於和愬人才爲首務惟學宮之先圖乃訪諸州守澤州孟君蠹同知桂林鄭君琬協謀僉同請於巡撫都御史彰德馬公提學御史餘姚聞人君巡按御史陳君咸重此舉齊口褒嘉鄭君且捐俸金四十王君遂并所得毀淫祠革濫恩清官房鬻隙地諸金八百盡委督役陰陽官李鉞盧勳諸人卽百福寺撤其佛像葺理學宮式示厥程乃建先師殿五楹南面兩廡

二十楹其南爲戟門戟門之左爲名宦祠右爲鄉賢祠皆南面又其南爲櫺星門櫺星門之南爲市河引其水作泮池成德達財二坊在池北東西對櫺星之東爲儒學其北爲道義門道義門之北折而西爲明倫堂在先聖殿之北南面堂北爲敬一亭其自道義門而入爲崇正書舍中建啟聖祠南面祠北爲會講堂經始嘉靖甲午五月落成於十一月敢請文記以示和之來學涇野子曰是役也以扶正而抑邪君子至於斯可以教士子遊於斯可以學文物中興四州快覩佗之誠是也然開學

之舉雖官師之盛心而力學之志諸士子不可恃其地以爲然也嘗者予嘗遊秦晉之間訪商周之蹟見伊尹傳說所起之處皆萃野巖築之陋而磻溪之迂僻則太公之所自發也諸士子苟惟道是志惟德是據惟仁是依惟藝是游漸摩相觀之久積累造詣之深將賢聖可望以出何有於科第者哉夫然則張籍何蕃張孝祥兄弟皆不足多而王子暨諸君振佗之功夫不愧往日游酢范純仁矣是役也同知南海周君世雄暨鄉大夫知府宋君錦府判陶君膺李君春皆嘗捐資以助而州同嘉

興施元四明周琮吏目恆山周克禮夫皆贊其成
乾澤暨訓導陳瑞劉伯璋均爲勤事云

涇野集

明雋竝和州修學記和州古歷陽東與采石畫中
流爲水疆總江淮水陸之衝爲姑馭金陵之蔽蓋
南北間一都會也峯巒繚亘雄踞西北亭亭如玉
圭然道家品爲四十二福地民生其間者率剛勁
而果決消質而儉約其土風之美如此明興高皇
帝由滁陽拔和城跨有江東混一寰宇不五載而
大業成焉迄今公若侯而下礪山帶河載於盟府
者且五百餘人皆和之產也夫五百人者起徒步

而成王侯計非魁梧瑰瑋丈夫不能嘗欲問其選
事而州之人無知者蓋天下之平久矣高皇帝投
戈講藝輒以興學育才爲先而和公京師不百里
而近日月之際宜首耀於光明乃二百年以來學
宮湫隘弗稱明天子佗人至意州大夫馮侯始謀
遷之迨李侯陳侯先後經營未有成績歲壬辰襄
陽會侯至毅然以爲己任凡百厝置務竟厥功於
是故者飾闕者興士由此感憤於學不勸而力莫
不曰侯之有造於我學也諸生郝繼可斐銜學正
李春茂訓導李一本馮三元岑東曙之命而請記

於子子謂國之建學將蓄材以待用也然而非文
致太平武戡亂略則管人之所言聚塊積塵百鳥
得為材成周以三物造士維時士於三德既已涵
泳其要眇而究極其指歸迨於行誼之醞備藝術
之優嫺又兼有而時出之嘗觀其論士慮囚一出
於學師行而受成反而獻馘靡不於是則為教之
備可知也近世士靡實用為文者以呻吟佔畢自
多談兵者以躍馬挽強為務其名甚美而試之鮮
效則無為賢士矣夫戰禽攻取其事苦難而時每
不乏至三德六藝六行人心所自有而行之又不

難顧自秦漢以下衰微細塞空見於載籍之文而
莫或振起者患無其志耳記曰勇敢強有力者天
下無事則用之於禮義天下有事則用之於戰勝
戰勝則無敵禮義則順治順治無敵此得士之效
也我國初首建義旗羣雄角逐和之豪俊雲起景
附蒸蒸然勒竹帛而垂鼎彝夫云盛矣至於嚮所
稱三物者非索之外也乃能黽勉於所難而不能
反求其所易則士風之剛勁果決者無乃不善用
之耶蜀至僻隅文翁修起學宮於成都親自飭厲
至經明行修過於齊魯况和為首善之地得曾侯

焉興佗誘進之異日者真材輩出施澤於堂皇之上服冕搢笏令民廣安而姦宄息必自今始矣詩曰明明魯侯克明其德既佗泮宮淮夷攸服夫修泮宮而遽及於服淮夷以見文德武功非二道也故述國初人材之盛以屬望於多士如此馮侯名子履山東臨朐人李侯名裕湖廣黃岡人陳侯名表福建長樂人曾侯名克唯與予為同志其善政不可殫書而此其一云

漪園集

本朝成性和州修學記天地不能外道聖賢不能外學學之有宮所以教天下從事於聖賢也古今

興衰之故國家治亂之原胥於是乎觀則焉先漢循吏若文翁韓延壽黃霸之流惟能以興學明教為務於是風化勃然天下遂稱大治然則良二千石其洵費得人哉歷陽郡泮宮於宋則在橫江門之郊得人為盛迨元以兵燹毀自明洪武初乃遷於郡治之東南隅郡守張公純誠曹公文相繼創建自是賢守之踵事加繕者相接也於永樂則黃公恕成化則葉公睦正德則孔公公才嘉靖則易公鸞歷百有五十餘年孟公靄改遷於百福寺阜者復數十年至萬歷中謝公嵩仍遷復其舊際我

國家定鼎前守廬公汝鵬仰維新之政乃謀拓址於郡治之東三輔黃圖曰禮小學在公宮之南大學在東就陽位也僉謂協吉神人攸同於是郡博士分令諸生四出矇助歷夏數守未底厥成詎時尙未逮與抑所畫之或爽也自楊公分符以來單厥心力以濟前烈宣德音以贊之降嘉禮以勸之綱紀旣張百務咸舉祁祁髦俊連翩鶴起殿廡旣飭宮牆以崇因念泮尙未葺於是疏泉濬池礪石登岸周以欄楯瀦美蕩穢恢闓改觀肅然起敬是以無小無大歌泮水之章鵠會黜而懷音士獻功

而廣德敬慎威儀爲民之則是公之樂育有成也郡諸人士甯能忘之乎因屬成子志之樂石成子曰唯唯此吾道污隆之所繫也天地生聖賢聖賢法天地風雨露雷詩書干羽無非教也教化流行取象於水故爲澤宮壅之爲雍判之爲泮周而復始澤被天下俾棫樸芹藻盈科取鑑清濁美惡見之判然先王創制之義何其淡且遠哉夫以楊公庖廚六經包羅百代以墳典爲瑚璉以禮讓爲俎豆澤之所注國以永貞其治行之最蓋莫先於此矣他復何容更僕乎公諱繼芳字仲延北之南和

人南和於唐蓋夾稱和州云李菴

文中序嘉靖中孟公雷遷廟於百福寺萬歷中謝公嵩仍遷於城東南隅舊地按涇野先生記遷廟百福寺者判官王公朝用其時孟公為州守記但云訪諸州守孟公則是舉非孟公意可知也又按州志學校志及部公繼芳傳遷廟故地者部公也謝公傳無此事

含山縣聖廟 縣治東崇儒坊宋崇甯初建元末燬

於兵明嘉靖間知縣葉繼善遷於安國寺萬歷中知州部繼芳復徙故地

元葛聞孫含山縣學記學校者立教之基也教立則化行化行則民知向義而政無不舉矣三代盛時風俗醕厚政治休明用此道也欽惟皇朝偃武

修文百年於茲學校之盛度越前古綸音戒飭炳

如日星祇順德意培植教基固郡邑長吏責也含

山古歷陽郡屬邑按圖經即東晉之龍亢唐武德

中改今名以其地介羣山之間宋季為邊圉學雖

屢燬而士氣不衰往往流寓江左天門精舍輿圖

混一以次修治漸復舊觀而土木有形之器歷歲

未久弊已隨至縣尹劉恭慨然有志修繕改作講

堂五楹翼以左右室工未及就而公今縣尹覃懷

榮克讓繼至亟命即工視禮殿神門東西廡皆棟

撓榭摧將就傾圯於是一切易以新木盡撤舊瓦

而重覆之新建儲粟之廩更衣之室浚泮池建石梁以達神路前列櫺星門繚以仞牆梓人鑿工黝堊丹漆竝手偕作至正元年夏部使者山東王元戴讞獄行縣祇謁學宮仰視新廟進邑之官屬及教官弟子員獎勵諳切且爲大書明倫堂三字俾揭之楹間眾心由是益勸工以大修經始於至正元年秋八月歷三期始訖事凡爲室四十有四楹其費出於學產歲入不足則倡以己俸僚吏士民好義者咸樂助之爲錢八千緡有奇邑監寶寶主簿郝惟正縣尉張濬典史陳起龍皆好義樂善同

底於成前教諭江南陳大受今教諭睢陽王政狀其事請記於予且夫治本於教教寓於學興學所以尊師尊師所以重道重道乃所以敷教也教之大者莫大於君臣之義父子之親士之學爲忠與孝舍學校何以哉賢宰之所以竭力殫慮而爲之者豈非有見於此歟夫俗吏之治邑類以聚辦爲賢日汲汲於簿書期會間自以爲能了公事其知學校爲出治之源而不可緩者幾何人哉然則是役也不可以不書矧余又聞漢桓榮龍亢人以經術爲帝者師唐何卓行蕃張司業籍皆產和陽有

宋雋異之士叟不絕書而彭恩永張孝祥尤彰彰者山川靈秀猶存耆舊遺風未泯是學之成圓冠方履來遊來歌師生授受朋友講習無非修齊治平之學當恩孝於親忠於國以踵二賢之名節至於稽古蒙印綬明經取科第又當恩所以繼諸賢之文行而榮達弗與焉觀感之下將見君子克勤愛人之務小人祇服易使之訓弦歌之化不得專美於武城矣如此則國家百年涵濡之淡風紀誼切獎勵之意庶幾無負而賢宰以教為政之心亦可以無愧矣故列其事於右繫之以辭句吳之墟

龍亢之邑山高水淡氣厚以頤於穆王化涵濡百

年建學置師彝教日宣物久則敝敝則必替顯允

邑宰為是孔力爰命工師左引右尋曰棟曰梁爾

斧爾斤迺崇寢殿廊廡堂皇以營以繕缺四字士餽

有庾泮水有梁佗室夏衣威儀用章羣材竝翰百

堵皆佗既輦既登且丹且堊繡衣戾止遙觀厥成

載色載笑以慰爾勤其成維何永基善教嗟爾多

士尚其允蹈其蹈維何維孝維忠民化而淳時乃

之功善佗善繼功斯罔替毋曰匪亟治道攸繫墨

綬金章有社有民嗣而嘗之鑒此刻文和州志

明黃潤玉舍山縣學祭器碑記祭祀國之大事也其禮不可不嚴粵自三代或造或因然皆致嚴於器物以盡內心之誠故簠簋鬯豆必飭犧牲玉帛之濫爵而名曰神凡山川社稷洎有功德於民者因其地而祭之詔天下郡縣通得祀孔子禮典極盛含山小邑也其祀祭例與大郡等奈創始卑陋習弊因循正統六年知縣許聰始克崇飾廟宇而春爍二季猶臨時集用里胥燕飲髹器識者病之前給事中張公佑守處州乃稽古制費俸金命旂

人塲埴而陶之器以名計者凡簠簋各四十有四鬯豆各一百四十有四尊登各五壺洗各二爵一無苦窳是皆公之誠所孚也景泰癸酉冬仲月謹用車航跋涉二千里而遙致之舍山學宮明年丁祭壇筵旣設羞饌具陳禮器致嚴執事愈謹肅如也劉貳教儉念制器之孔艱慮司藏之弗密請紀石以示久遠予按周官攷工記旂人爲簠實一穀崇尺厚半寸脣寸豆實三而成穀崇尺則周之簠豆皆陶也未詳冶金剝木昉於何時今張公惓惓

禮器遠稽周官俾山邑士夫復觀三代之制何其
卒歟麗牲有碑庸紀其盛若夫謹厥藏慎厥事始
終無懈則有司存時天順元年春二月記含山志

縣志此文本書麗牲碑記按祭義牲入麗於碑說文注古宗廟立碑繫牲後人因於上紀功德孫何集有碑解一篇題以麗牲從其朔也惟自漢後碑之有文者皆以其事名之不概名以麗牲作者似乎据古而泥此文為祭器作乃改題曰祭器碑

明陳琳含山修學記治道繫於人才人才出於學校崇儒右文陶鈞羣材以風四方聖王以為首治多士佗楨維周以甯菁莪棫樸之化所以涵濡培養者後世莫及焉我太祖高皇帝龍飛淮甸自和

州渡江定鼎金陵務先教化南畿郡若邑實為首善之地褰衣博帶挾策負奇之士濟濟相望文治勃興煥然與周室比隆含山為和州屬邑在宋有沈立者以進士累官諫議大夫歷事三朝白首一節魏疇者宣和及第為殿中侍御史屢進讜言忤秦檜忠憤激烈而唐之何蕃學成行尊六館之士不敢與齒純孝之名重當時而聞後世况今被聖化最先踵美前修代宜有人余嘗視學蒞其邑羣諸生而試之才華詞藻葉特不凡而薦名賢書比歲無幾心竊訝之豈瞽教有不暨耶抑佗與之未

得其道爾邇者含山令漳南鄭侯慶始至謁夫子
廟顧瞻殿宇榱棟傾落退視學宮規制卑陋博士
廡舍荒蕪生徒講肄無所慨然歎曰是何以勸學
而育賢耶於是謀諸典教蕭君大器司訓陳君九
疇馮君廷秀洎諸生張炳等割俸廩之餘以倡興
修節縮浮費庀材鳩工飾大成殿葺東西廡闢泮
池於櫺星門之南易學門於明倫堂之東增修齋
號凡若干楹偉麗高敞加乎舊觀遠甚朔望親稽
課業討論羣籍究極奧義其所以化導之者軼聲
前政舍之士風日奮以起壬午秋胡子師賢舉應

天鄉薦師生咸躍然喜曰是乃俟新學之功也不
可無紀走書來畱都屬筆於予予惟常袞興學校
而閩之人才至比關洛文翁重教化而蜀之人才
遂變魯風今含之學从圯而復振含之才久替而
復盛佗興筌蹠其固有自余於是知侯非惟有功
於學校而於聖祖過化之道不忝少禪乎哉雖然
學所以明人倫人倫莫大於忠孝道化之所先也
諸子之遊斯學者方將嚮用明時其必以忠孝自
勵忘身報國顯親揚名散風節樹休烈以遙追先
正芳躅不徒區區科第之榮度無負佗興者之初

意矣余於含士有一日之知故以是勗之

含山志

按篇中所引何沈魏諸人皆歷陽人非含產自此說興而明以前歷陽縣治含山治之謬論相繼起矣

明朱之蕃含山縣修學記和於江表雖彈丸而於國初為草昧地所屬含山尤奧衍峯嶂迴旋如所命名至若華陽廩山諸洞壑咸窳窳奇譎疑有異人生其間以佐王朝應名世乃諸生中穎拔頗寥寥茅茹之謂何而堪輿之說重矣邑故庠頗善中奪於貿貿即安國寺剏焉其於局法未合遂令諸生以奧濶終者垂四十年太守部公獨閱然咨嗟

會博士唐某上其事亟為請諸上報可而江令君輔至即謀於舊地與其役末期而告成其鏗強半輸之士民部江咸以俸助令君又括沒官田若干畝以濟之是役也不費而足不勞而輟不持久而輪奐翬然會大比而蔣生學純即以得雋應夫豈地脈之足以握機抑事必有待而理必有合也今守牧懍然受始甫竣事而即有徵應然則凡我菁莪皆勃勃乎凌霄決雲可踵繼也功在黎氓光被社稷二君惠此濟濟者甯有既乎江公粵人含民稱為神君以為明百年來所未有者

蘭岬集

明顧起元含山縣修學記語云學之制與政損益
匪直人文所關也而人文實關於是含爲畿輔首
善地建學於縣治東隅其來舊矣攷邑乘永樂成
化間蓋未始不彬彬盛而後稍不逮於前也說者
以城南安國寺爲風氣萃宜移學宮居之移之後
荏苒四十餘載弗克驗萬歷己亥江侯至諸生復
議還故地江侯夾不憚申請仍以相易第其時以
再遷徙故廟堂門廡祠庖齋舍非不儼然具然瓦
墁零藉垣墉庳圯江侯又以政歸未及畢其功也
歲久日頽一望蕭然矣甲辰龍侯至愀然動色曰

學校化理之原今其圯壞若爾有司師帥之謂何
顧比年歲祲雅不欲以興化煩民且其操持廉甚
苦其費卒無出也商較區畫僅得廢田租數若干
計其償工佗不及十之一又念役不可緩乃捐俸
修葺敬一亭未建也建於明倫堂後泮水池未鑿
也鑿於櫺星門之前池南市民居數百武爲雲路
改闢其門於巽方周圍繚以仞牆當前設以門屏
創無增有悉完且美人以當是時微侯來整理恢
拓前緒幾成故墟矣侯問學宏博自弱冠登賢書
譽播海內今茲成功當世世戴之

遊園漫稿

本朝范貞含山尊經閣記。管聖人扶人極憂後世而述六經後人復取四子之書而經之者何益堯舜禹湯文武不得孔子與曾憲孟諸大賢其著爲六經者千萬世之下或將不尊惟後人尊孔子與孔子之徒之言爲經而前聖人之經始有常尊卽古今天下所以環向於古今之天子稽首扶杖莫敢誰何者皆尊孔子之經與孔子之徒之經以尊古今天子於是古今天子莫不尊孔子之廟而孔廟中爰有尊經一閣也使廟貌崔巍而尊經閣獨頽廢夫烏在尊孔子耶含邑聖宮維新前東魯謙

茹朱公於兵燹傾圮之餘俾殿廡堂垣悉改觀而尊經閣則未之有逮嘻天下事苟責前人以畢爲夫安賴有後之人也唯是新聖宮尊聖也建尊經閣夫尊聖也此意人知之但一聖人之宮得與萬古王者之宮幾相似聖人當日夫安知後人之尊之至此而後人以非此不足尊聖人者以聖人之經故也使聖人非經以著千萬世則夫不過當世之一人耳聖宮聿新尊經閣惡可已耶一日予詣學宮進諸生謀之捐俸率先甫浹月而尊經閣告竣嘻今而後知經之當尊則夫尙功利崇邪說以

亂經者無有矣習訓誥博記誦以侮經者無有矣
莫敢亂且侮斯堯舜禹湯文武孔子曾息孟扶世
憂民之意而文運大於此興矣更爲之相厥陰陽
審曲面勢使九曲之水環繞宮闕萬壘之山羅列
臺端不敢謂有造學校願入聖宮躋明倫堂登斯
閣也取諸經則之效之知聖人固如此之尊而不
可不尊也爲之記

含山志

峨嵋書院 在州城西南隅明知州王沔建嘉靖元
年同知薛祖學遷於州治東之廢馬廐中有格致
堂舞鶴軒西有蓮池十六年判官王朝用仍遷故

地萬歷間遷後山西麓名雲興書院建立雪堂
國朝康熙中遷於北門街乾隆三十五年知州劉
長城又遷於城東射圃距舊址不遠名和陽書院
時何二山先生爲山長二山名忠相崇明人博學
善屬文經其講畫多所成就蓋五十年來無踞其
右者

文昌壇 州小南門外明萬歷庚子知州邵繼芳建
國朝乾隆庚子州同何飛鳳重修邵蜀人何大

蜀人

明雋竝節侯文昌壇記 歷陽郡侯邵公泄政三年

農嬉於野士勵於學詢民疾苦靡痛不捐咸曰郡水洩自東南形勝不備積不宿世士不登朝堪輿之言驗矣願建浮圖以壯形勝曰可庀材鳩工建塏七級高十三尋有奇灰甃之金以千計而民不知煩始事丁酉落成庚子尙構之日以千計而民之利是可無祠以祀侯下令禁之乃檢括餘材建宇以護塏而募僧以護宇於是諸生某某走京師謁余文爲記記曰善政者因民之勢而不拂民之心因民之勢故事集而民安不拂民之心故政成

而不知所以爲之者管子產衆人之母也足民會而不知教而兩漢循吏以文翁爲首稱自撫字之外政蹟不少概見何哉則富與教可兼通而士與民兩相利也侯初下車郡苦旱魃侯步禱遍山川封內之神甘雨隨車歲以不禳已輒旱旱輒禱禱輒應應輒有年蓋民之有求於侯而必應也如子之於母侯之有求於天而必應也如民之於侯所謂通於神明非即往歲東南大禳輒仰給縣官間守土者積穀以備荒皆不府之民而府之橐歷陽之野獨紅腐露積如京如坻侯在郡故無荒年侯

太郡又有荒政卽心計之父母握算持籌爲子孫計久遠不足言也部使者按其治聞於朝天子覈實褒嘉之俟政匪近名而又格於上下如此政暇坐學宮執經問難者鱗次於前俟必傾困教之相與剖析疑義雌黃藝業諸文學虛往實歸文教蒸蒸起矣而又繕治齋楹俎豆必潔膳齋必良頽者興廢者昔闕昔者奮飛惰窳者振起俟之爲德於士民可謂徹肌膚淪骨髓者已卽不墮庸何傷豈有鬼輸民之粟而神蹇士之命耶則俟之意可想矣父母之於子也雖星歷之荒唐堪輿之悠謬譽

其子靡不樂也可以貽其安靡不究也無他慶故也新沐者彈冠新浴者振衣無他創故也俟之於郡不難信堪輿星歷之說以怙冒其民而和之士民處新沐新浴之時而無彈冠振衣之志者豈理也哉詩云豈弟君子民之父母鄙俟以之又曰蔽芾甘棠勿剪勿伐和之土民以之余故緣其意而爲之記

漪園集

香社寺 在香泉側

宋邵祥正香社院重陰消熾日車明社鼓邨歌樂
太平行過柘塘蕭寺宿隔牆猶聽賣花聲

青山集

明鞠祥香社寺霽月籠殘雪交光照夜淡閒僧高
榻夢孤客異鄉心冰塢欹寒影霜鴻度曉音不堪
念似鐵且起弄香淋香泉石刻

朔州人明永樂壬辰進士太常寺丞

明王守仁午憩香社寺修程動百里往往飯僧居
佛鼓迎官急禪牀為客虛桃花成井落雲水接邨
墟不覺泥塗澀看山興有餘陽明先生集

明陳獻章宿香泉寺香泉寺裏懸燈宿東葛城中
襍被來綠鬢高歌六七輩春風相屬兩三杯未慙
此地山靈厭祇恐明朝縣馬催我與定山何處似

狂言夫子鑄顏回白沙集

明王珍香社寺何年一蘭若結向沸湯山山僧習
靜久柴戶日常關樹密鳥聲亂月高花影閒如聞
人籟發清梵水雲間香泉石刻

明屠元沾香社寺夜宿透迤來古寺傍路一山平
曲徑天花滿空潭香水生身迷寒樹色鐘落暮雲
聲尚遠羅迦筏應知是化城歷陽遺音

明楊瞻憩香社寺地入珠林勝塵消法雨前即揆
丹有穴夏喜鑑為泉蘭氣彌香界松風響洞天何
時偕休沐來問洗心禪歷陽遺音

明劉傳題香社寺壁靈源噴玉成千古和氣蒸雲
自四時纔過谿橋分冷暖傷人休道出山遲 苦

海生憎熱惱多又從此水試炎波逢僧更說清涼
話不覺和風透越羅月川集

明戴星香泉寺掉臂辭鄉失少年洗頭坐石看青
天新春幾到香泉醉靜夜長聽苦雨眠瓦塢半燒

巢老鸛泥溝傍暝撥寒鍵殘僧且喜知名姓為我
烹茶不乞錢河邨集

百福寺 在州城中唐貞觀二年建初有五寺文殊
泗州淨土彌勒百福後合為一因名五華寺元末

燬於兵吳元年重建為百福寺

宋賀鑄百福寺原注與縣屬鄰按縣譜即唐詩人張司業籍之故居也籍繪像今在

文昌西部居修竹閉環堵琴樽不復存青蓮開梵
宇塵紛晦遺像粉繪才可觀拜奠愧無言長哦君

樂府慶湖集

開聖寺 州大西門外今廢

唐李涉題開聖寺宿雨初收草樹濃羣鴉飛檝下

堂鐘長廊無事僧歸院盡日門前獨看松全唐詩

唐溫廷筠開聖寺路分溪石夾煙叢十里蕭蕭古

樹風出寺馬嘶秋色裏向陵鴉亂夕陽中竹間泉

落山廚靜壇下僧歸影殿空猶有南朝舊碑在恥

將興廢問休公溫飛卿集

法惠寺 州西北七十里一名泉水寺泉水其山名

也寺以山得名山以泉得名

宋賀鑄宿法惠寺原注在歷陽西北七十里戊辰四月七日公事至順天里越斗

峴山冷泉澗薄晚投宿此寺寺三隅面山而豁其西北竹樹邃密如不與人境相接庭中有泉如輪

清冽而甘跨山起小閣楹曰餘翠登望曠快因賦是詩題其上驅馬越飛澗揚旌

下回岡歛見層浮圖高風振琅璫重門壯且淡老

柏森成行佛子出延客投鞭步長廊中庭汲新泉

一飲生清涼孤坐興登覽危梯趨上方蕭蕭荒竹

林檐外加環牆獲牧斷行徑龍虵知所藏山禽喜

喧暘嘯侶何琅琅子規特殷勤使人懷故鄉引領

望西北暮色來蒼茫一官蚤見糜微尙久未償明

發復東去斯遊良不忘慶湖集

明陳本泉水寺七宿和陽寺招提處處同清泉從

地湧巧石出天工煙暝空山月僧歸靜夜鐘自憐

游宦跡暫得駐飛蓬歷陽遺音

梵行寺 州南六十里

宋賀鑄再遊梵行院己巳十月曉度南岡五里松

精廬未見已聞鐘門前拂地垂楊柳埽淨爍來過

馬蹤慶湖集

明戴重梵行寺風雨起西北青松發長泣日昃驅
飢驢右臂衣已溼浮圖鬱南林相望不能及頽谿
絕山梁紛草自成笠踟躇問耕者乃得就原隰手
指湖南山空濛五與十古寺迷藤蘿解騎跨垣入
西寮僧愛客笑爲我長指薰香埽繩牀遂不事炊
汲炙衣洗我足執壺勸米汁穴窗視天影四麓雨
仍集慈母當相念今夕倚門立河邨集
戴重記梵行寺壁正欲浮湖看山色卻來聽雨坐
僧堂爽風吹墮浮圖甃上有元豐字兩行河邨集

莊嚴寺 在苦竹邨因又呼苦竹寺

唐鄭谷題莊嚴寺休公院秌淡庭色好紅葉間青
松病客殊無著吾師甚見容疎鐘和細溜高塏等
遙峯未省來名侶頻於此地逢全唐詩

唐李洞避暑莊嚴寺定裏無煩熟吟中達性情入
林逢客話上塏接僧行入水皆知味諸翁盡得名
常論冰井上莫使厭浮生全唐詩

宋賀鑄遊莊嚴寺園石榴花落小池平獨下平橋
弄扇行蔽日綠陰無覓處不如歸去兩三聲慶湖集

華嚴寺 州東北三十里

唐張籍贈華嚴寺僧一身依止閒荒院燭耀窗中

有宿煙徧禮華嚴經裏字不曾行到寺門前張詩業集

唐冷朝陽同張淡秀才遊華嚴寺同遊雲外寺渡

水入禪關立埽窗前后坐看池上山有僧飛錫到

畱客話松間不是緣名利好來長伴閒全唐詩

冷朝陽中炆與空上人同宿華嚴寺埽塢相逢宿

論詩舊梵宮磬聲迎鼓盡月色過山窮庭簇安禪

草窗飛帶火蟲一宵何惜別回首隔炆風全唐詩

元馬祖常遊華嚴寺化國日遲遲招提獨往時鶴

馴看梵磬猫定護齋糜貝葉翻經譯沙牆應制詩

庭前雙樹好長夏得風吹石田集

芥塘寺 在州北五十里

宋賀鑄宿芥塘佛祠青青薺麥欲抽芒浩蕩東風

晚更狂微徑斷橋尋古寺短籬高樹隔橫塘開門

未埽楊花雨待晚先燒柏子香底許暫忘行役倦

故人題字滿長廊慶湖集

玄妙觀 在城中關廟旁宋熙甯間建本名天慶觀

元至元中改今名大門內隙地痊明崇正乙亥殉

難殘骸以欄護之

明賈章玄妙觀看杏花杏子花開錦樹高羽人邀

我醉松膠前來莫把劉郎誤不是元都二月桃和州志

明紀映鍾題玄妙觀一玄已陋妙何為為語黃冠

老鍊師我夢函關牛脊客自言未著五千詞真洽堂稿

三老堂 城隍廟東宋元祐中知州孫賁公縈構以

祀傅獻簡公堯俞范忠宣公純仁劉忠肅公摯者

也三老皆名德重望相繼左遷和州故廟祀之中

有梅堂今圯

歷陽典錄卷九

歷陽陳廷桂子屏纂輯

古蹟三

忠烈廟 舊在橫江門內祀宋知州事周虎剛嘉靖

中遷於城西青石巷

宋謝德與歷陽周侯生祠記開禧三年燹歷陽郡

軍民相與度材鳩工建周侯生祠於橫江門內為

屋十有七楹堂廡壯麗軒戶宏敞金碧相輝照耀

藹煥一時貔貅之士拱立四壁而侯像儼居其中

過者凜焉明年春落成父老屬德與為之記德與

不文不敢當然於侯爲門下士又嘗始終同患難
目擊侯事爲詳始直書其實以昭邦人所以祠侯
之意而明侯所以致邦人之敬者夫歷陽之爲郡
雖在江北實蔽江南蓋西接合肥北接滁濠東南
直姑孰建業之間凡渡淮而有事於南者不得歷
陽則不敢窺江自東晉以還屢鎮以重兵守以信
將視爲南國襟喉曩年兀木顏亮輩傾心南寇必
致其外力先陷歷陽夷其城闔以絕反顧之慮而
後一意爲渡江計孝宗皇帝畱神邊圉知歷陽爲
江淮衝要首命馬帥李舜舉繼遣建康都統制鄒

剛合兩司事力爲工千二百餘萬費緡錢百五十
萬有奇而糧會不與焉自乾道庚寅迄於淳熙丙
申凡七年而後城池樓櫓始以備告孝皇節用愛
人獨不憚太府之錢大農之粟與夫兵卒之力必
城歷陽而後已淵衷遠慮果無所見而然哉三十
年間屬時承平是城之有無未見其損益也開禧
丙寅邊釁遽開旋進取之師爲退保之計侯以宣
府丘公密薦來守是邦下車之初從容與士大夫
登城而望焉慨念孝皇經理之本意而深歎故將
規畫之有方顧諸將曰吾它日守浮光願爲陳亨

祖守山陽願爲趙立今得此城而守之亦願爲姚
興輩益三人者皆死於其所於是邦人知侯之意
不可拔也是冬胡馬大入以十一月辛卯圍合肥
癸巳遽舍合肥盡徹其眾益以濠梁渦口安豐正
陽新至之師命其大將納嬾將軍者爲平南盪寇
將軍中路行軍先鋒亞將沒撚將軍者爲殄寇中
郎將行軍先鋒副都統將其大眾十餘萬居前而
以石屹壁世號爲烏眼將軍者統眞女直數萬押
陳於後而其大酋李撒揆則又統精兵稱元帥行
府爲將軍之殿焉倍道兼行不兩日直抵歷陽蓋

知我馬帥拔軍之後城中無兵且龔元木顏亮之
故智欲以聲勢恐喝先下歷陽也方馬帥之去僅
畱正兵一千八百六人合諸處潰亾徒隸不滿四
千人而州城十一里城門十一所以城計人兵才
十之一耳軍民岌岌繼逸相繼斬之不能禁父老
叩侯馬泣請曰吾州自建炎以來凡兩遭胡寇摧
陷有以數萬眾不可支持竟公保江面者公雖忠
赤奈無兵何侯曰國家養將養兵一臨難輒四走
吾雖不任將事然守臣也死於城守乃吾分內事
父老行矣無過爲吾悲於時用事者輕聽寡謀號

令不一督府雖已開而權不得專或建議他司謂
居巢已焚請歷陽從之檄已到侯懷之不出曰將
在軍君命且不受吾外已決矣無何賊盡集周二
百里內皆虜營也城中聲援四絕而賊生兵日增
侯自分萬外而將士僚吏激於忠義俱不懷生自
十一月甲午圍合丁酉攻城十二月癸丑賊始罷
攻退營以給我庚申賊始出州境受困幾月被攻
凡二十有七日苦戰凡三十有四始戰之日首馘
其驍將韓萬戶於香泉門之下繼殺其萬戶者三
殺金銀牌郎各一皆獲其寶信支解其指斥者四

人於連雲觀後拘獲其所執馘賊酋十八人獻之
丘督樞標於建康市取賊矢百二十二萬有奇上
於張督樞者六十二萬奪賊鎧仗鼓旗踰萬數輸
之鎮江武庫所謂石屹礎者射中其目載至僊蹤
而斃殺賊屍與濠平築京觀八公山巽山名殺胡
岡大書立豐碑其上自始迄終危難萬狀卒以蕞
爾之地嚙賊喉牙使不敢渡江時人謂侯之全歷
陽其功不在張睢陽後蓋有三難焉將臣先動而
軍民之心已去城大兵少而虜敵之所必攻士非
繫撫而上下之情殊未相諳卒然而起犯天下之

至危而竟以集事此無他天之所相惟忠與孝賊之初至侯與諸將登城以觀其布置虜營幕相屬煙塵漲天不見其際兵器有聲如潮奔雨驟侯慮動眾目忽起曰視此何爲請往朝太祖太宗諸將莫曉所謂侯前已戒吏置黃帛設祖宗二神位於靈會門上邀諸將詣前炷香爲誓曰羯胡犯順眾已臨城臣等當捐軀命上報國恩有一不虔得奉祖宗法戮於此門之上辭旨慷慨音吐洪暢聞者聳然訖賊退無敢怠厥事者母太夫人何氏年高九表惟侯一子一孫甫九歲侯知賊至必外請太

夫人攜孫逃難江南太夫人痛哭曰母子相倚爲命而令吾逃子死母孫焉歸固不尙行侯泣曰忠孝不兩全兒外城中以報天子母攜弱息往嗣先人書遺言一紙以別見者霑襟侯有利器曰紫荏嘗以自佩賊怒城久不下以白刃逼其眾八面竝進攻機畢施作崇祭風於西北隅有頃南風大作火箭亂發樓櫓百間立爲煙埃而飛燼所及城中火四起賊將登城矢石如雨左右請侯少避其鋒侯怒目揮紫荏以示之曰賊卽破城吾用此自刎於城上汝輩得脫爲吾報朝廷則九十老母得

溫飽以終餘年此足一動忠孝盡虧暨賊敗退竟不移跬步卽侯造次顛沛之間君親家國之念倦倦若此則破勅敵全孤城以屏障東南在人事言之誠危且難竊意冥默之中必有主張乎是者也江淮之人間侯之事稚耄咨嗟繪侯像不足又從而鏤木以傳則無怪乎和人之祠侯不能自巳也雖然古者有功必報以勞定國則祀之能禦大災捍大患則祀之侯以守土臣出位裒兵以濟大難每自以爲邂逅偶然之事至其誠切於愛民則古良二千石之用心也嘗聞侯守浮光日乞免久教

民兵以優農時乞免民路積馬草恐資敵寇乞省塗豪右爲將佐以寬役乞厚兩淮生聚以繫邊人之心皆彰彰見之剡牘而守山陽之日犯招宣二司怒擅放已拘之客舟數千楫已籍之驢馬萬計還椿管之民柴無算遣運夫還家約至秋涼徐至民皆齧土叩頭感泣而去他日以讒去郡過高沙翁媪數千人隨之維揚投詞宣臺願還侯山陽以捍其北鄙鄰郡之民尙爾則山陽之民可知暨來歷陽首以免夫運爲爭繼以割州會爲爭兵革之後和戰未決橫議四起如再築昭關剗築楊柳柵

築石跋城皆已得旨施行矣侯獨謂於此時兵民之力當養不當竭冒萬死力辨以刀鋸鼎鑊自誓與朝廷論難終於見聽而後已兵疫饑饉之餘盜賊蠶起侯戢綏有方強梗屏迹四境肅清民以奠枕則和人之祠侯又有在乎保邦國之外者也此其大略也若夫侯之膽略過人機警穎捷處危難以閑暇解紛紜以從容推誠下人待三軍如家人父子則又無與乎邦人祠公之事而非德與之所以記也太夫人山陽望族方虜之來正苦寒風雪中將士不解甲者纍月太夫人傾家資以犒軍士

如挾纊也細如茶鹽餅餽每冒重圍殷勤以送城中人之所感非物也賊退太夫人摒擋奩篋肩輿登城以轍諸將且謝曰吾兒不歿此城不破諸君之力也將士皆泣下上嘉太夫人教忠自太安人超封感義郡太夫人褒詞切至今大參雷氏實代王言旋移封永國夫人別立北堂於侯祠之奧初侯以介特多忤用事者嬖人又從而媒孽之甲痕未滅卽移守合肥其實奪侯兵也軍士有石良弼者刎頸以畱侯大辭疾竟不拜用事者憾之故賞典僅同將士變化以來公道漸昭始正刺大州論

者鬱之德與曰不然爵祿一時之榮勳名終古之事俟蚤由學校冠多士讀書至忠臣孝子傳則置卷三歎願身後厠一名今於艱難之烱舍生取義奮不顧身為天子保北門於忠為有得母以子賈生封大國斑衣華髮香火於一堂之上於孝為無嫌訥得訥失訥重訥輕必有能辨之者矣俟名虎字叔子世為臨淮人嘉定改元夏四月門生宣義郎知和州歷陽縣主管勸農營田公事兼受給錢糧俗緝謝德與記周侯廟碑明戴重修忠烈廟記有宋開禧二年金兵圍和州

州守周公力戰卻之其三年州人德公而祠焉嘉定元年祠成知歷陽縣謝德與為之記記攻守狀甚詳時公已移謫公至紹定二年乃轉和州防禦使會卒淳祐七年諡忠惠賜廟額曰忠烈之廟遂仍生祠而為之其北堂則以祀公之母感義郡太夫人敕辭具於石旋移封永國夫人廟在橫江門內故壯且麗後二百餘年蓋未有新之者及我嘉靖之六年知州易公鸞乃廢淫祠於城西之麓徙廟其地而祠賢母於左壩昇二巨碑立廟下自書忠烈廟榜筆力古勁垂且百年又告圯矣諸生王

之節亟言於有司有司不暇治之節謀於里人釀
錢若干緡召工取材少易朽壞而錢輒盡之節三
歎謂重日和州南北之爭地也竊觀天下之勢遠
則三十年近則十年必有大亂亂則和必先之而
今之士者不崇忠孝之教不習知勇之術亂至吾
知其無能為矣若周公以孤城羸卒抗忠致命摧
敵保邦誠社稷之功也節與子願仰師之以有此
役厲我國人工雖不克終不可不記其事嘗讀宋
史紀開禧和州之圍頗不載周公殲敵之績而略
見於小史豈侂冑怒邱密之斥已因以抑公與他

日有事於宋叟慎無闕如也重繕其言書之於版

并錄祠記於左

河邨集

三賢祠 百福寺旁祀唐太學生何蕃國子司業張
籙宋顯謨閣學士張孝祥

余闕廟 舊在州城西隅後遷於渙邱之東鄉人妄
增女偶於側遂為土神祠

香烈祠 州治西北祀明崇正乙亥自州守以下及
士民婦女之殉賊難者祠名巡按淮揚御史梁雲
構所命近改名忠烈

清廉二太守祠 在鎮淮樓街西康熙中何公偉后

公參相繼守和州皆有德於民和人祠祀之

城隍廟 在州治東南創始未詳明洪武元年詔封

應天開封臨濠太平和滁城隍神為王餘封公侯

伯和州封承天鑒國司民靈護王二年頒賜王冕

服九旒九章青衣緋裳緋蔽膝緋白大帶緋鞵履

神夙著靈異州人事之惟謹或云姓紀或云歷陽

侯范增皆不足據今制詞及袞衣尚存故事六月

六日曝衣於庭五月十五日為神誕期祭賽者至

無所容卜吉於神奉以出巡儀衛烜赫好事者陳

各戲以隨爭奇鬪巧萬眾聚觀鼎沸者近十日

老子丹臺 在大西門外里許劉夢得詩云土臺遊

柱叟

浣紗女廟 在渙邱渡之北祀春姝時伍員奔吳所

遇之女按越絕書吳越春姝員所遇為瀨水擊縣

女無所謂浣紗也且員之遇渙父在江北遇擊縣

女在江南以疆域攷之夫當祀渙父不當祀女廟

立已久存而辨之

明瞿佑題浣紗女廟偶爾相逢試問途此情彼意

兩俱無何須草草捐身命不念雙親體髮膚

集

存齋樂全

張果廟 在州東北石跋河

元宋无宿張果廟滄溟幾度見揚塵曾醉堯家丙

子春近日喜無天使逼寒驢畱得載閒身翠寒集

明劉鑿宿石跋河張果老廟別張三張九張家有

古老曾此下山行不信君兄弟茹芝猶未成 石

泐紋屈曲樹古柯玲瓏羽士將驢至畱人藥日中

歷陽遺音

高廟 州南四十里俗傳公輸子造軒翥高聳規制

繁重元末有紅巾賊欲焚之大蛇出賊懼而止

項亭 在烏江雄踞高阜江東諸山拱揖檻外舊有

李陽冰題西楚霸王靈祠六篆字秦少游湯泉詩

所謂霸祠題玉筋者也又于弈正天下金石志載

有南唐徐鉉項王亭碑今皆亾中範王像英風赫

然不可仰視又一像在碑上圓袍短帽重瞳戟髯

碑陰則宋烏江令龔相賦也最後有墓墓四周古

松數百章怒濤洶洶常如大風雨至少游湯泉記

云飲繫馬松下卽此

本朝朱彝尊烏江謁項王祠題名順治十五年夏

歸自嶺表江行望見采石將近矣爲疾風引柁泊

舟烏江口訊之士人項王祠所在畬云三里而近

遂與同舟魏子登岸半塗潦水限之因褰裳竝涉
遙睇平岡灌木知是王祠入門則殿已被焚徙神
像粟主於廡下王之塑像東向面淡赤范增龍且
左右夾侍且尖面淡赤拜訖過亭基瞻王刻石遺
像圓袍短帽廣顙豐頤宋人所摹勒也道士出延
客問以古碑倉向有姚闢李德裕暨南唐保大年
碑今已無存因言金海陵師渡江卜玳神前不許
海陵怒將縱火燔廟俄有大蛇出梁棟間廟後林
中颯颯聞戈甲聲乃止迨崇正乙亥流寇陷和州
掠烏江忽陰霾晝晦四野若列屏障寇不敢犯而

還蓋王之英爽塞天地間理固然爾道士又言公

此祠三十里卽陰陵故道有虞姬墓墓前有祠邨
岷祈子者率禱祠下必插花以識之愔日已晡不

果往乃還六月幾望秀水朱彝尊書

曝書亭集

唐李德裕項王亭賦竝序丙辰歲孟夏予息駕烏
江晨登荒亭曠然遠覽因觀太尉清河公刻石美
項氏之才歎其屈於天命且曰困阨之時生計非
蕭張所出子以爲不然矣自古聰明神武之主未
嘗不應天順人以承大業項氏縱火咸陽失秦中
之固遷主災裔傷義士之心違天違人霸業隳矣

漢皆反是故能成功據秦遺業東制區夏數敗於外常有關中爲舊主縞縵以義動天下雖項氏猶存而王業基矣若乃蠖屈鴻門龍潛天漢始降志於一人終伸威於四海則蕭張之計夫不遠乎子嘗論之漢祖猶龍項氏如虎龍雖困而能變不測虎雖雄而其力易摧一神一勢宜乎負絕然橫舟不渡畱騅報德夫可謂知命矣自湯武以干戈創業後之英雄莫高項氏感其伏劍此地因作賦以弔之登彼高原裴裒始曙尙識檣舟之岸焉知繫馬之樹望牛渚以悵然歎烏江之不渡想山川之

未改歎斯人之何遽恩項氏之入關按秦圖而割據恃八千之剽疾棄百二之險固咸陽不畱王業已忒將衣錦於舊國遂揚旌於東顧雖未至於陰陵誰不知其失路恥沐猴之醜詆乃烹韓而洩怒謂天命之可欺何伯王之不寤嗟乎楚聲旣合漢圍已布歌旣闕而甚悲酒盈尊而不御當其盛也天下侯伯自我而宰制及其衰也帳中美人寄命而無處季數遁而不亾羽一敗而終仆豈非獨任於威力不由於智慮追咎四隲之下風煙將暮大咤雷奮重瞳電注叱漢千騎如獵狐兔謝亭長而

依然愧父兄兮不渡既伏劍而已矣彼羣帥之猶懼雖伯業之無成亦終古而獨步周視陳跡緬然如乘聽喬木之悲風感高岫之零露因獻弔於斯

亭度神明之可遇

會昌一品集

敘中所云太尉清河公不知何人或卽朱竹垞題名所稱姚闢耶碑今無存

宋龔相項王亭賦竝敘余令烏江之明年職閒訟稀得以文吏自娛於是詢攷境內遺跡將欲驗古事察風俗恨其兵火之餘故老灰滅無復在者而前人遺跡往往化爲榛莽狐狸之區矣獨項王亭太古寔遠於邑爲近余每登眺焉一日攜客至其

上讀唐李德裕所爲賦敘謂楚漢興亡基乎應天順人也然歟否歟余嘗謂三代以後蓋有不仁而得天下者若夫魏晉之興皆假唐虞稱禪代大率懷奸飾詐篡竊取之其實逼奪下至劉裕蕭道成之流如蹈一律覆宗滅祀延及無辜可爲流涕若楊堅朱溫直盜賊爾固不足道也豈非所謂不仁而得天下者哉夫項王之起年二十四不階尺土自奮邱壠二年而平秦霸天下廢立王侯政由一己雖所爲有異於高祖然以曹操司馬懿而視王

接戰英勇不衰謝亭長顧呂馬童之時其視死生
爲何如雄烈之氣凜凜而在邑人廟祀至於今不
怠者豈以王之亾秦興漢之功大而得失自我不
爲姦詐篡竊眞磊落大丈夫也哉故余作賦以辨
之大抵君子論人或責以備或推以恕非苟然者
余豈敢與衛公異也其賦曰括蒼龔相暇日與客
登項王之亭顧覽遺跡喟然歎曰嗚呼盛哉二世
之末天下恣叛勝廣一夫雲起從亂當是時也燕
齊趙魏莫不立王梁起會稽大從民望得孫心於
民間爲人牧羊立而奉之鼓行咸陽雖再破秦軍

而秦軍尙強梁旣歿於定陶王怨秦而必亾章邯
引而渡河趙且暮以乞降彼陳餘之擁兵迹逡巡
而莫敢當王乃震怒皆裂力排宋義晨朝誅之莫
不讐悻毀金釜以湛船示三軍之外志果破秦軍
而殺蘇角絕甬道而虜王離呼聲震天而動地山
陵日月爲之蔽虧諸侯人人惴恐膝行轅門而莫
敢仰窺章邯舉軍以降焉諸侯將以兵而從之入
關不畱衣錦東歸裂地主約而王將相天下利柄
惟我所持何其盛也哉及齊趙先畔漢以兵東轉
戰滎陽陷外摧鋒漢雖屢北謀無不同迨垓下之

圍方急始信楚人之多從於是慷慨悲歌潰圍南
出臨江不渡畱騅報德又何憊也客曰子知楚漢
之得失乎不在於兵而在於得人不在於強弱而
在於民心之淺深當其屠咸陽殺子嬰火宮室坑
秦兵弑義帝於郴陽更主約之不平漢皆反是約
三章而公苛法拒牛酒而恐費民封府庫諭郡邑
而不私其財期在於變秦况蕭張佐其謀韓彭將
其軍無縑書之弗用推赤心而示人此楚漢之得
失也會何盛憊之足言哉龔子曰子知其一未知
其二古今成敗得失是非其間紛紛蓋不容喙略

請較之其敗者未必皆非其成者未必無可議也
嗟夫項王卓偉之才英烈之氣使膺天命而有成
乃蹉跌而至此若曹操與司馬懿以鬼域之雄資
盜賊之智尙負且乘而竊神器皆數傳而後已或
百年而始斃方戕伏后而尸曹爽抑可見其無君
之意其爲得失又安足計以石勒之遐蹤猶逐鹿
於當世不忍效夫數子奪孤寡之非誼嗚呼噫嘻
得則爲王失則爲虜由魏晉以觀之王雖亾兮何
負此顧呂馬童而謝亭長外生固夾不懼矣彼分
香而飲粥又何王之可伍也客遂緘默相視動魄

一客在旁莞然獨笑曰二子辨則辨矣然未達夫理也楚漢魏晉茫茫千載是非得失今皆安在哉徒存史牒莫攻真偽自古及今如我與子登斯亭而悵然弔往咎以流涕渙夫樵婦之所經行野老祠官之所祭醜夷已多矣莫得而記也今夫二子踟躕視不忍舍此夷何異臨川而歎逝也子獨不見青山白雲長江明月耿耿長存滔滔不絕初無古今之異治亂之別是夷理之所在也於是飲而酌酌而醉醉而能歌曰山蒼蒼兮江湯湯月盈虧兮雲飛揚是非得失兮兩俱忘頽然而臥兮適

乎無何有之鄉

項王廟碑

唐于季子項羽

北伐雖全趙東歸不王秦空歌拔

山力羞佗渡江人

全唐詩

唐孟郊和令狐侍郎部郎中題項羽廟碧草凌古

廟清塵鎖煉窗當時獨宰割猛志誰能降鼓氣靈

佗敵劍光電為雙新悲徒自起舊恨空浮江

孟東野集

唐竇常項亭懷古力取誠多難天亡路夷窮有心

裁帳下無面到江東命阨雷騅處年銷逐鹿中漢

家神器在須廢拔山功

全唐詩

唐杜牧烏江亭勝敗兵家事不期包羞忍恥是男

兒江東子弟多才俊卷土重來未可知樊川集

唐李山甫項羽廟為虜為王盡偶然有何羞見漢

江船停分天下猶嫌少卻要行人贈紙錢全唐詩

唐周曇項籍九垓垂定棄謀臣一陣無功便殺身

壯士誠知輕性命不憚孤負八千人全唐詩

唐汪遵項亭不修仁德合文明天道如何擬力爭

隔岸故鄉歸不得十年空負拔山名全唐詩

唐清書潘述湯衡項王古祠聯句遺廟風塵

積荒途歲月侵述英靈今寂寞衛尚森沈書霸

楚志何在平秦功未淡衡諸侯歸復背青叟古將

今述星聚分已定天亡力豈任書宋蔡如可薦舉

酒灑空林衡全唐詩

唐釋靈一項王廟緬想咸陽事可嚙楚歌哀怨恩

無涯八千子弟歸何處萬里鴻溝屬漢家弓斷陣

前爭日月血流垓下定龍蛇拔山力盡烏江水今

古悠悠空浪花全唐詩

唐釋歸仁題楚廟羞容難變返江東誰問從來百

戰功天地有心歸道德山河無力為英雄蘆花尚

認霜戈白海日猶息火陣紅也是男兒成敗事不

須惆悵對西風全唐詩

宋蘇舜欽烏江項王廟鉅鹿一呼神軸折咸陽宮
 闕紅三月鴻門壯士斗聲飛寶帳佳人劍光烈
 芒場雲氣騰真龍縞纒三軍剛至公八千子弟風雨
 繖披山扛鼎已成空天亾戰罪徒云爾欲問英雄
 呼不起荒祠古木擁蒼煙夕陽長照烏江水蘇子美集
 宋王安石題烏江項王廟百戰疲勞壯士哀中原
 一敗勢難迴江東子弟今猶在肯爲君王捲土來

臨川集

宋賀鑄題項羽廟三首分張天下付羣雄回首咸
 陽捲地空六國三秦隨擾攘錦衣何暇到江東

楚都陳迹久灰埃一曲虞兮尙寄哀不佞偷生渡
 江計可須千里更西來 三戶睢盱竟破秦君王
 武略世稱神途窮一夜無遺恨挈首殷勤與故人

慶湖集

宋邵祥正姑孰乘月泛渙艇至東城訪耿天隲姑
 孰至東城長江八十里忽君半夜泛渙舟明月隨
 人渡寒水江南美酒君家無攜來相就傾一壺澄
 江如月水如玉拂拂清風生碧蘆功名無成安足
 嗟但合方寸無疵瑕煉丹碎穀火瑣瑣萬物何處
 非生涯君不見鴻溝欲將天下裂失道陰陵遠身

滅玉帳周遭皆楚歌金甲續紛摧漢鉞重瞳卻傳
繪塙手瓦鼓巫歌薦神酒廟前老木藏狴狐豪氣
英風夾何有沈吟往事君勿悲我曹卒遇堯舜時
田中穀稔牛羊肥高會難逢易別離今宵不醉欲

安之

青山集

天隲名憲州人
嘉祐二年進士

宋陳洎過項羽廟八千子弟已投戈夜帳猶聞怨

楚歌學敵萬人成底事不憇一箇范增多

陳副使
遺稿

宋許表項王廟在烏江號靈惠廟千載興亡莫浪

愁漢家功業夾荒邱空餘原上虞姬草舞盡春風

未肯休

宋詩
紀事

宋陸游項羽八尺將軍千里騅拔山扛鼎不妨奇

范增力盡無施處路到烏江君自知

劔南
集

宋曹魯肅題項羽廟蓋世英雄力拔山楚歌四面

淚瀾潛江東父老如相問子弟八千無一還

宋詩
紀事

宋釋文或題項羽廟十年弓劔為誰苦萬里山河

不自由

宋詩
紀事

明杜浩烏江項王廟落木蕭蕭江影空江頭有客

訪重瞳斷碑冷落蒼煙外遺廟荒涼夕照中函谷

誰騷秦父老淮陰恨失漢英雄古來無敵歸仁者

漫說東城斬將功

南葵 邨集

明會祭項羽廟百戰休論蓋世功鴻門終宴霸圖

空虞歌慷慨孤鏗下楚業銷沈一炬中露溼古牆

烁薜碧霜含老樹夕陽紅英魂若到彭城路忍聽

高臺唱大風

巢睫 集

明莊景題項羽廟一從天命舍歌謳龍戰中原苦

未休天地我能悲楚漢古今誰敢罪商周英雄可

廟人千古赤子何辜血九州惟有長江知我意對

人無語只東流

定山 集

明林章項王廟大江南北水潺潺千古英雄一夢

間戰馬自嘶營草太渡船空載陣雲還黃昏雙塚

秦時月青壘孤祠漢代山莫上高樓西際望愁人

殺氣滿函關

林孝 廉集

明李應徵項王廟落日陰陵道悲風百戰原當年

意氣盡四面楚歌喧子弟軍誰在春烁廟獨存江

亭樣船處悽惻不堪論

藿園 遺稿

明王象春書項王廟壁三章既沛秦川雨入關又

縱阿房炬漢王眞龍項王虎玉玦三提王不語鼎

上杯羹棄翁姥項王眞龍漢王鼠垓下美人泣楚

歌定陶美人泣楚舞眞龍火鼠虎火鼠

問山 亭集

明陶樂齡烏江謁項王廟重瞳霸業今何在萬壑
濤聲怒未降日暮黃沙看不盡空畱明月照烏江

項王廟
詩版

明黃滔耀烏江望霸王廟英雄塚下盡尺土占江

濱虎失關中勢龍嘘灞上雲人憐公百戰鬼閱漢

三分薄暮風濤惡疑崩鉅鹿軍陶菴
詩集

明侯泓烏江項羽廟百戰名徒烈千秋祀不祧滄

江沈霸氣餘恨咽寒潮香火靈風襲丹青古屋彫

只今豐沛地祠廟竝蕭蕭掌亭
集

明戴重烏江項廟夕陽畱雀廟孤艇繫烏江病葉

風相戰寒潮爽不降劒畱蛇瘞井轡絕馬號椿如

此千秋恨霜鐘儘客撞河邨
集

明吳偉業項王廟救趙非無算坑秦大有名情淡

存魯沛氣盛失韓彭垓下騅難逝江東劒不成淒

涼恩晝錦遺恨在彭城梅邨
集

明紀映鐘烏江項王廟楚王遺廟草萋萋春雨農

夫洗箭鏃石上英姿猶魄動帷中貞骨儼睂齊鴻

門不覺忘秦鹿天意何能去野雞莽莽荒墀酌杯

酒綠陰如夢子規嘯真冷
堂稿

本朝朱彝尊烏江謁西楚霸王廟山前松柏憤王

宮遺恨當年尙不窮忽見諸軍盡垓下
愁聽父老說江東美人罷舞餘春草
駿馬悲鳴自朔風萬歲來遊還此地
千炷霸業有誰同

曝書亭集

本朝孫枝蔚過項羽廟經過霸王廟
衰衷烏江渡戰爭跡已陳風濤聲
猶怒蘋蘩存舊典門廊待新佗壯
姿良足傷賢姬大可慕古來成與
敗人意非天數水決隄先頽木蠹
根不固惜哉咸陽火自困英雄步
秦灑苦若荼漢令甘如露誰言雲
在上眞勝蛇當路興懷慨前轍
佗詩垂後諭請看叱咤聲何如豁
達度

溉堂集

本朝姜宸英烏江虞歌曲盡怨天
亾潮落平沙舊戰場千里江東
羞不渡六朝曾此佗金湯

葦間集

本朝李鐸項王祠白蛇斷烏騅窮
海內莫敵龍準公百二小兒歌沛
中霸氣汨沒三戶空眼中成敗勢
卽判千炷伏臘猶鼓鐘鼉龍叫嘯
寶劒血草木慘淡雲旗風乾坤失
意丈夫淚大江日落寒濤東

曉巢集

本朝潘果項王廟威望居然壓沛
公指揮一誤霸圖空縱畱子弟
八千在蚤失關河百二雄遺廟可
堪鄰泗上英靈只合返江東所嗟
銳氣知無敵不

出淮陰數語中

江雨集

本朝釋傳彝過霸王廟美人相對泣滂沱不利烏

騅可奈何半世英雄三尺劍八千子弟一馨歌西

風古廟飛黃葉落日荒江冷碧波抔土東城休悵

望漢家無復舊山河

江雨集

本朝李昶西楚霸王廟關中蚤失山河險陣上難

回子弟戈

咏古詩鈔

本朝董鶴齡項王廟中分便欲雄西楚末路誰知

泣美人

咏古詩鈔

本朝蔣士銓烏江項王廟暗鳴獨滅虎狼秦絕世

英雄自有真俎上肯貽天下笑座中惟覺沛公親

等閒輿地分強敵慷慨頭顱贈故人如此殺身猶

灑落憐他功狗與功臣

忠雅堂集

本朝周廷佐烏江項王廟不敢論成敗英雄本絕

倫帳中初奮劍天下已無秦獨力疎羣策先聲落

後塵勳名五載事長歎對江濱

墨田集

宋劉仲方項羽廟六州歌頭秦亾草昧劉項起

吞并驅龍虎鞭寰宇斬長鯨埽櫓槍血染彭門戰

視餘百皆鷹犬平禍亂歸炎漢勢奔傾兵械月明

風急旌旗亂刁斗三更命虞姬相對泣聽楚歌聲

玉帳魂驚 泪盈盈恨花無主凝愁緒揮雪刃掩
 泉扁時不利雖不逝困陰陵叱追兵暗鳴摧天地
 望歸路忍偷生功蓋世成閑紀建遺靈江靜水寒
 煙冷波紋細古木凋零遣行人到此追念痛傷情
 勝負難憑

花菴絕
妙詞

宋無名氏題項羽廟壁 念奴嬌 鮑魚腥斷楚將
 軍鞭虎驅龍而起空費咸陽三月火鑄就金刀神
 器垓下兵稀陰陵道狹月暗雲如壘楚歌喧發山
 川都姓劉矣 悲泣呼醒虞姬為伊歾別血刃飛
 花碎霸業休休雖不逝英氣烏江江水古廟頽垣

斜陽紅樹遺恨鴉聲裏興亡休問高陵秋草空翠

詞綜

州境寺觀甚多以其為郡國常祀或土
 人祈福淫祠無關古蹟不列含山仿此

